

CONSTITVTIONES  
ET DECRETA  
PROVINCIALIS CONCILII  
AVENIONENSIS,

*QVOD FRANCISCVS MARIA TAVRVSIVS*  
*Archiepiscopus Auenionensis habuit anno salutis*  
M. D. XCIV.



SVPERIORVM PERMISSV.

---

ROMAE, Ex Typographia Aloysii Zannetti.

M. D. XCVII.

ORDERED BY THE COURT

IN THE MATTER OF


THE ESTATE OF

JOHN D. BROWN

DECEASED

VS.

JOHN D. BROWN



VERIFIED BY THE COURT

IN THE MATTER OF

THE ESTATE OF

JOHN D. BROWN

# FRANCISCVS MARIA<sup>3</sup>

DEI ET APOSTOLICÆ SEDIS

GRATIA

ARCHIEPISCOPVS AVENIONEN.

VNIVERSIS PROVINCIÆ

nostræ Fidelibus salutem in Domino.



V. M. Sacrosanctæ Synodi Tridentinæ<sup>a</sup> providentissima lege<sup>a</sup> sancitum sit, vt intermissus Provincialium Conciliorum vsus restitueretur, illaq. deinceps in omnibus Prouincijs singulo quoque triennio celebrarentur: Nos hoc salutare præceptum eo libentius & alacrius amplectendum duximus, quod ad eas regiones Pastores missi ab Apostolica Sede dignoscimur, in quibus hærescon ac corruptorum morum caligo, diaboli fraude, hominumq. malitia, longe lateq. diffusa est. Quare omni studio in id incumbendum nobis est, vt veritate doctrinæ, morumq. disciplina in his regionibus resplendere curemus. Et vero æquissimum fuerit, vt a nobis potissimum opus hoc inchoetur, qui in Sanctissimi Romani Ponti-

<sup>a</sup> Sess. 24.  
cap. 2.

#### 4 CONST. PROVINC.

ficis temporali ditione existentes, ceteri Prouincijs præluere debemus. Quapropter iuui numinis præsidio implorato, Reuerendissim; Coepiscopis, ac Comprouincialibus nostris, ce erisq. Sacerdotibus, quoru interest, ad præstituta n diē causa Prouincialis Synodi celebranda con iacatis, alijsq. rebus ac ritibus de Catholica trad itione obseruatis, ad summi Dei laudem, Cleriq. iostri ornamentum & vtilitatem, hæc quæ sequ untur Decreta sancienda ac promulganda de eorumdem Reuerendissimoru Coepiscoporum nostro rum consilio & assensu statuimus.

#### DE EPISCOPIS.

**V**T autem iudicium incipiat a domo Domini, nec nobis illud Euangelicum obijci possit, quod Phariseis olim exprobrauit; Dicunt, & non faciunt; & alligant opera graua & importabilia, digito autem suo nolunt ea mouere: visum est a nobis ipsis huius Synodi initium sumere.

Quare Episcopos nostræ Prouinciæ omnes, tum dignitatis, tum oneris sui memores esse oportet; vt intelligant non alio consilio se Ecclesijs diuinitus esse præfectos, ac gregibus Pastores datos, quam vt cura peruigili ac solerti studio animarum salutem procurent, in diesq. magis ac magis promoueant. Quod vt facilius assequantur, se moresq. suos ad eam formam, quam præcipit Apostolus

## CONCIL. AVENION.

stolus, component, in id potissimum incumbentes, ut vita sint non modo irreprehensibili, sed eiusmodi, quam omnes colant, suspiciant, ac sibi imitandam proponant. Sunt enim Episcopi Mundi lumina, populorum duces: quod sane decus ut singulis a Deo communicatum est, qui tamquam Aaron ad animarum præfecturam vocati fuere, ita purum ac illæsum ab iisdem conservari par est. Gregi itaque inuigilent Episcopi, strenue in vinea sibi commissa laborent: virtutes omnes tum ipsi colant, tum a suis subditis colendulo curent: vitia, quacumque tandem ratione valent, eradicent ac profligent, ita tamen, ut omnia prudenter ac maturè prævia consultatione gerantur. Eorum ministerio ac etiam consilio utantur Episcopi, quos Dei honorem, animarumque lucrum zelare viderint, quiq. magis prodesse, quam præesse studeant.

Quoniam vero longum esset singulas Episcopi partes percurrere, horum dumtaxat admonitos esse volumus, ad ipsos scilicet pertinere, non modo quæ cum ceteris communia habent, verum etiam quæ Episcopali functioni peculiari quadam ratione commissa sunt, diligenter obire. Quamobrem Pontificalia munia, ut rite singula exerceant, accurate provideant, sicq. se ipsos gerant, tamquam qui in perfectionis exercendæ statu positi sunt.

6 CONST. PROVINC.

DE VISITATIONE HABENDA

ab Episcopis.

a Sess. 23.  
cap. 3.

**C**Um sacrosancta Synodus Tridēna multa statuerit ad visitationis munus rite ob-  
eundum pertinentia: admoniti sint Episcopi, vt  
quæcumque ab illa sancte ac pie de visitatione  
sancita sunt, diligentissime obseruentur. In id vero  
potissimum incumbant Episcopi, vt facultatibus  
a Concilio sibi concessis vtantur; ne, si forte re-  
missius se gesserint, visitatio fructu ac fine suo ca-  
reat; ac disciplinæ Ecclesiasticæ neruus eli-  
datur.

Episcopus propriam Diocesim per se, aut, si im-  
peditus fuerit, per suum generalem Visitatorem, si  
quotannis totam propter latitudinem visitare non  
possit, saltem maiorem eius partem visite; ita  
tamen, vt tota biennio per se vel Visitatores suos  
compleatur.

b Sess. 24.  
cap. 3.

Dum suam Diocesim inuisit, legem de victus  
procuracione & muneribus a sacro Concilio  
Tridentino præscriptam obseruet: comitatum  
non habeat, nisi visitationi necessarium. Quare  
septem, aut ad summum octo homines tantum se-  
cum ducat: si plures duxerit, suis sumptibus alar.  
Mensa frugali contentus sit, quæq; Ecclesiasti-  
cum luxus censorem deceat.

Domum suam visitent Episcopi, totiusq; fami-  
liæ

## CONCIL. AVENION. 7

lia mores perspectos habeant, vt si quid (quod absit) parum candidum & honestum inuenerint, confestim manum salutare adhibeant, domesticorum vitam antea corrigentes, quam ad ceterorum emendationem se conferant. Omnia porro loca inuisat Episcopus, in quæ ius visitandi habet, nullo prætermisso: curetq. diligenter, nulla interposita mora, visitationem inire ac perficere hoc consilio, vt quam celerrime grassantibus malis obuiam eatur. Quoniam vero interdû contingit, vt istud visitandi munus non ea atque par est diligentia obeatur, dum vel celerius & pertransennam (quod aiunt) tam loca quam personæ explorantur: idcirco Instructio pro ordine & methodo visitationis a viris a Concilio deputandis conficiatur, quam Episcopi omnes, dum suas Diocæses inuisent, facile sequantur.

## DE SYNODO DIOECESANA.

**O**Mnes ac singuli, qui de iure vel consuetudine tenentur, ad Synodum<sup>a</sup> Diocæsanam conuenire teneantur tempore a iure<sup>b</sup> statuto, & ab Episcopo indicto, poena proposita ijs, qui absque legitima causa non paruerint.

<sup>a</sup> Concil.  
Trid. Sess.  
24. cap. 8.  
<sup>b</sup> Synodi  
d. 18. ca.  
propter.

Quisquis ad Synodum venerit, decenti ac honesto habitu incedat, in sessionibus superpelliceo mûndo & integro vratur. Ad hospitium diuertat, quod sibi a deputatis ab Episcopo assignetur,

8 *CONST. PROVIN.*

ut ne minimam quidem scandali aut lapsus occasionem præbere possit. Rem sacram frequenter peragat durante Synodo, ac integritatis probitatisq. specimen in omnibus pro virili præstare debeat.

Examinatores singulis annis ad minus sex ab Episcopo vel eius Vicario vniuersæ Synodo Diocesanae proponantur; qui ab ea probati, & admissi, iurent se, humana quacumque affectione postposita, fideliter munus executuros.

*DE TESTIBVS SYNODALIBVS.*

**V**T testium Synodali munus, sicubi intermissum est, restitatur; atque non nomen solum, sed certis officij partibus recte per eos geratur, quibus in Synodo vel Prouinciali, vel Diocesana committitur: hæc de illis eorumq. officio statuimus.

Principio sacerdotes ætate moribusq. graues, prudentes, ac disciplinæ Christianæ studiosi in Concilio Prouinciali a Metropolitano ex vnaquaque Diocesi duo saltem, in Synodo Diocesana e Diocesi sua duo iidem testes Synodales deligantur. Poenæ etenim meminisse oportet ab Innocentio III. propositæ in Concilio Lateranensi ijs qui testes nullos nominarint.

Qui nominati & delecti sunt, secreto ab Episcopo conuocentur, in eiusq. manibus iurent



## CONCIL. AVENION. 9

ex formula verborum præscripta , muneris sui partes executuros esse.

Quo igitur tempore hoc munus testes iurati gesserint, personas discretas interrogando simpliciter & de plano, absque vlla iurisdictione sollicitè inuestigent hæc quæ sequuntur :

An Parochi munus suum obeant, qua par est sollicitudine, in sacramentis, omnibus quidem, ægris autem præcipue ministrandis. An ipsi, alijq. clerici omnes vllam populo præbeant offensionem. An in suis Ecclesijs resideant, suoq. quisque fungatur officio.

Quæcumque vero animaduerterint decreta sancitave nullam adhuc aut non perspectam executionem habuisse, aut quæ rursus deprauata correctionem reformationemq. desiderare viderint, ea tribus ante mensibus, quam Concilij proxime futuri stata dies veniat, singula ordine suo referant ad Metropolitanum : testes vero Dioecesani mense saltem ante diem præstitutum id ipsum Episcopo præstabunt.

## DE EXAMINATORIBVS.

**O**Mnes Examinatores, quicumque sint, nouerint sibi munus vsque adeo graue committi, vt si negligenter aut male se villo modo gesserint, Deo in primis culpæ in eo munere admissæ exactam rationem reddituri sint. Quare non spe, non

B

metu

<sup>a</sup> d. 24. ca. quando. metu, non aliquo \* affectu ducti, muneris sibi commissi curam gerant.

Nullus Examinatorum quempiam priuatim doceat, qui examen subiturus sit.

Cum de beneficio curato conferendo examen instituitur, aut de aliquo ad sacros ordines promouendo, vel concionatore, confessariove approbando, ad minimum tres <sup>b</sup> Examinatores, præsentē Episcopo, vel eius Vicario, conueniant.

<sup>b</sup> Concil.  
Trid. Sess.  
24. ca. 18.  
§. exami-  
natores.

Cum quis ad examen venerit, eius vultus & habitus corporis, vestitus & incessus, gestus & sermo diligenter inspiciatur: ex his enim animi leuitas, vel grauitas deprehenditur.

In examine vero is potissimum ordo teneatur, vt primo de toto vitæ statu, genere, patria, domiciliove quærat<sup>r</sup> illius qui examen subit. His perquisitis, Examinatores ad explorandam scientiam mox descendant.

Quisquis pro sacris ordinibus suscipiendis examinandus est, ætatis, natalium, aut dispensationis obtentæ, beneficij Ecclesiastici, vel pensionis, patrimonijve attestationses scriptas & documenta authentica ante omnia in medium producat; quæ omnia Examinatores non perfunctorie, sed diligentissime perquirent, an vilo vitio vel fraude laborent.

Cautio autem sit, vt de ijs examinandi interrogentur, quæ ad rem, cuius occasione examinantur,

## CONCIL AVENION. II

tur, proxime faciunt. Cetera Examinatorum prudentiæ animaduertenda & præstanda relinquuntur.

### DE FIDEI PROFESSIONE.

**Q**Voniam, iuxta doctrinam Apostoli, non solum corde credendum est, sed ore etiam confessio fieri debet ad salutem: ideo sacri Concilij Tridentini, summorumq. Pontificum auctoritate innixi, mandamus, ut quicumque Ecclesiastica beneficia obtinent, vel in posterum obtinebunt, & qui ad Synodum Diocesanam accedere debent, Fidei professionem emittant. In ipsa prima Synodo Diocesana Episcopi curabunt, ut qui beneficia curam animarum habentia obtinuerint, intra duos menses post adeptam possessionem, iuxta formam decreti Concilij, professionem Fidei faciant. Id quod seruabitur etiam in prouisis a Romano Pontifice, vel a Legatis. Idem præstabunt, qui permutant beneficia curam animarum habentia.

Prouisi autem de Canonicatibus & dignitatibus in Ecclesijs cathedralibus, vel collegiatis, non solum coram Episcopo, seu eius Vicario, sed etiam in Capitulo idem præstare teneantur: alioquin prædicti omnes prouisi fructus suos non faciant, nec illis possessio suffragetur.

Doctores præterea, Magistri pædagogij, &

Bulla Pij  
Quarti per  
totum.

quicumque tam publice quam priuatim docent Theologiam, Ius vtrumque, artem Medicam, Philosophiam, ceterasq. liberales artes in quibuscumque ciuitatibus, terris, oppidis, quoquo modo profiteri aut docere ab Episcopis ne permittantur, nisi prius Catholicam fidem professi fuerint, iuxta formam constitutionis Pij Quarti; quam etiam professionem singulis annis initio studiorum emittere teneantur.

Ne item Rectores, vel Cancellarij Vniuersitatis aut Gymnasij ad sua officia admitti possint, neve scholares ad Doctoratus lauream, aliumve huiusmodi gradum in dictis facultatibus suscipiendum vlllo modo admitti possint, neque præterea cathedram conscendere ante emissam fidei professionem, de qua in priuilegio Doctoratus specialis mentio fiat; poenis nullitatis, alijsq. in bulla Pij Quarti propositis.

Nemo item ad prædicationis munus, aut ad curam animarum exercendam, etiam sine titulo beneficij admittatur, nisi præstita coram Ordinario Fidei professione.

Omnium autem qui Fidei professionem præstabunt, aut præstiterunt, nomina ordine notata in certum librum Episcopus a Cancellario Episcopali referri iubeat: qui liber in Archiuio Episcopali asseruetur.

CONCIL. AVENION. 13.  
DE IMPRESSORIBVS ET  
*Bibliopolis.*

**Q**Voniam Christianæ Religionis basis ac fundamentum est Fides, sine qua impossibile est placere Deo: quantam ea in re curam ac diligentiam Episcopi adhibere debeant, nemo est qui nesciat. Quare vt ea in cordibus Fidelium impolluta illibataq. seruetur, curent Episcopi ne per eorum negligentiam libri hæreticorum, aut alias a Sede Apostolica damnati, quorum maxima vis est in corrumpendis rudiorum mentibus, alicubi videantur, legantur, habeantur, reperiaturve: sed regulas Indicis librorum prohibitorum auctoritate Pij Quarti Pontificis editas, aut auctoritate aliorum Pontificum edendas obseruari tum ab omnibus, tum præcipue ab impressoribus & bibliopolis curent.

Visitent quotannis Episcopi bibliopolarum officinas, ne quid contra regulas huiusmodi fiat.

Deputent virum<sup>a</sup> tum doctrina, tum fidei zelo præstantem, qui recognoscendis libris, ac vniuersæ regularum prædictarum obseruationi præsit. Ex omnibus autem præscriptis regulis hæseruentur in primis.

Nullus libros de rebus sacris typis mandare possit, qui ab eo quem deputarit Episcopus, præter Inquisitorem, examinati & approbati non fuerint ipso-

<sup>a</sup> Conell.  
Trid. Sess.  
4. c. infu-  
per. Sess. 18  
cap. 1.

#### 14 CONST. PROVIN.

ipforum subscriptionibus . Approbatio vero librorum a tergo primi folij imprimatur.

Libris impressis adiecto typographi nomine, adscribatur item annus quo impressi sunt . Libri imprimendi exemplum manu auctoris subscriptum apud examinatorem remaneat .

Libri quos typis mandari concessum est, in codicem a recognitoribus referantur , notato concessæ facultatis anno & die, descriptis etiam eorum nominibus, quibus eos imprimendi potestas facta est .

Ne quis opuscula , tractatus , commentarios, aliasve lucubrationes de rebus sacris euulget, nisi ante examinatae probataeq. fuerint ab Episcopo, vel a deputatis .

Librarij & quicumquè librorum venditores habeant in suis bibliothecis indicem librorum venalium quos habent, subscriptionibus personarum, quas diximus, communitum . Index porro Romanus librorum prohibitorum pro foribus officinae proster .

Qui per vrbes præterea , vicos , oppida, aliaue loca libros venales circumferunt, eorum etiam indicem habeant, cui ab Episcopo, vel ab Inquisitore, aut ab ijs quibus librorum recognitio ab illis delegata est, subscriptum sit .

Hereditibus item , aut executoribus vltimarum voluntatum vetitum sit libris a defuncto relictis  
vii ,

vti, aut alijs vendendos dare, aut in alias personas quacumque ratione transferre, nisi ijs prius ostensis, & habita licentia a personis ab Episcopo deputatis.

Ne libri cuiusuis generis in ciuitatem vllam prouinciæ introducantur, aut introducti vendantur, commodentur, aut legendi quouis modo tradantur, nisi ostensis prius illis, & habita licentia a personis ab Episcopo vel Inquisitore deputatis, aut nisi notorie constet librum iam esse omnibus permissum.

Ministri autem publici, qui exigendis vectigalibus præfunt, vbi locus publicus mercibus comportandis constitutus est, teneantur, poena excommunicationis proposita, prædictis vt supra deputatis personis denuntiare libros esse adductos; aut saltem ne inde exportari patiantur, nisi ij quorum sunt, scriptum prædictorum manu signatum, quo exportandi potestas fiat, attulerint.

De libris autem, qui de rebus inter Catholicos & hæreticos controuersis communi item lingua conscripti sunt, ea diligens cautio adhibeatur, vt illorum vsus ijs tantum concedatur, quibus Episcopus, aut Inquisitor de consilio Parochi, aut confessarij permittendum iudicari.

Libri de officio & precibus horarijs B. Mariæ Virginis vulgariter, vel Italice, vel Hispanice, vel

Germa-

Regulæ  
Indicis Pij  
Quart.



Germanice, vel partim Latino, partim vulgari sermone expressi venales ne proponantur, nec vendantur. Si qui vero eos adhuc habent, ad sacræ Inquisitionis officium statim deferre compellantur, vt edita a Pio V. constitutione sancitum est.

Caveat Episcopus, ne libri illi paruuli, quibus preces variæ cōtinentur, falsis superstitionisq. titulis aspersi habeantur, aut vendantur, nisi suo, aut Inquisitoris, aliorumve Theologorum, quos huic muneri præfecerit, diligenti studio primum recogniti & purgati sint.

Quia vero pestilentiores illi codices sunt, qui blasphemijs referti, aduersus Religionem nostram virulenta dogmata euomunt: Idcirco prohibemus, ne quis Thalmudicos libros & nefaria huiusmodi Rabinorum scripta legere, tenere, emere, vendere, aut euulgare audeat, sub pœnis, quæ constitutæ sunt Apostolicis constitutionibus. Quare Episcopi in cunctis Synagogis huiusmodi volumina perquirant & comburant. Libros præterea de Astrologia iudiciaria tractantes, iuxta cēsuram Indicis librorum prohibitorum, omnino reijci & extinguere mandamus. Libros similiter Geomantiæ, Hydromantiæ, & similes, qui diuinationes, sortilegia, superstitionesq. continent, funditus deleri, comburiq. præcipimus, pœnis propositis, quas iura & Apostolicæ constitutiones infligi debere decernunt.



DE FIDEI RYDIMENTIS.

**C**Um omnibus Fidelibus ad salutē necessarium sit Christianæ Fidei rudimenta scire, ideo curabunt Episcopi singulis saltem Dominicis pueros in singulis parochijs Fidei rudimenta, & obedientiam erga Deum & parentes diligenter doceri per Parochos, aliosve animarum quouis modo curatores, ad quos præcipue hoc munus spectat: eosque, si opus fuerit, etiam per censuras Ecclesiasticas compellant.

Quo vero studiosius Parochi in eam curam incumbant, id etiam curet Episcopus, ut in singulis dioecesis suæ oppidis, & vicis, ubi commode fieri potest, Doctrinæ Christianæ sodalitas institutur, quæ in eo munere ipsos Parochos adiuuet, & ex viris ad id idoneis vita & moribus approbatis constet. Ecclesias in ciuitate & dioecesi, in quibus infantes & pueri ad discendam Doctrinam Christianam conuenire possint, deputer. Indulgentias a Pio V.<sup>a</sup> & Gregorio XIII.<sup>b</sup> concessas earum sodalitatum hominibus sæpius promulgari curet.

<sup>a</sup> In bulla  
156.

<sup>b</sup> In bulla  
11. illius  
qui.

Ludimagistri, qui docent Grammaticam, semel in hebdomada, sabbato scilicet a prandio pueros Doctrinam Christianam doceant.

Fiat formula Doctrinæ Christianæ lingua Gallica pro hac prouincia. Singuli puerorum Magi-

stri vesperi sub finem lectionum a pueris, genuflexis orationem Dominicam, salutationem Anglicam, & Symbolum Fidei recitari curent.

Idem in ecclesijs, vbi doctrina hæc exercetur, in calce ab omnibus præsentibus fiat.

Curent etiam Parochi, vt non pueri tantum & puellæ, sed etiam grãdioris ætatis homines & mulieres Fidei rudimenta doceantur, maxime rustici.

Dabunt etiam operam Episcopi, vt in Prono & concionibus parentes puerorum moneantur, vt filios suos, & filias, hora præstituta, ad Doctrinam Christianam addiscendam ire compellant.

### *D E P R A E D I C A T I O N E*

*Verbi Dei.*

**T** Imere debent Episcopi, ne illis a Domino illud in districto iudicio exprobetur: Canes muti non valentes latrare. Igitur cum eorū<sup>a</sup> præcipuum munus sit prædicatio Euangelij, id ipsi per se ipsos omnino, aut si legitimo impedimento detineantur, per alios obire studeant.

<sup>a</sup> Concil.  
Trid. Sess.  
24. cap. 4.  
& Sess. 5.  
c. 2.

In ecclesijs parochialibus per Parochos, siue illis impeditis, per alios ad id idoneos ab Episcopo deputandos impensis eorum qui eas præstare tenentur, aut solent, munus prædicationis exercebitur.

<sup>b</sup> Ibid. §.  
Archipre-  
sbyteri.

Admoneantur sæpius Parochi, teneri eos in suis ecclesijs plebem sibi commissam verbo Dei pascere: quos si negligentiores esse constiterit, fructuum

## CONCIL. AVENION. 19

Quum subtractione mulctentur, qui alteri dabuntur, ut vices suppleat.

Tempus quo prædicationis munus obiri debet, omnes dies Dominicos per annum, ac singulos quosque dies Quadragesimæ & Aduentus complectitur.

Regulares vero ne prædicent etiam in ecclesijs suorum ordinum, nisi a suis superioribus de vita, moribus, & scientia examinati, cum fide huiusmodi approbationis coram loci Ordinario se præsentauerint, benedictione ab eo obtenta. In ecclesijs vero non suorum ordinum etiam ab Episcopo facultatem in scriptis habere teneantur, si ne qua nullus ecclesiarum Rector regulares huiusmodi concionari permittat.

<sup>4</sup> Concil.  
Later. vlt.  
Sess. 14.  
Triden. vbi  
sup. §. Regula.

Diligenter obseruent Episcopi doctrinam & mores concionatorum per viros idoneos, ut si quis scandala disseminarit, a prædicationis munere suspendatur: si vero hæreses (quod absit) contra eum procedatur iuxta formam iuris. Cauendum est, ne quæstuarij per se aut per alios prædicare permittantur, cum id constitutionibus duabus Pij Quinti interdictum fuerit. Regulares insuper extra monasterium degentes, aut sæculares clerici a Rectoribus ecclesiarum concionari non permittantur, nisi Episcopis noti, moribusq. & scientia probati sint.

Conficiatur formula pro rudioribus Parochis.

ad vsum Prouincialium. Concionatores quoque ad præscriptum formulæ illis per nos tradendæ suas conciones accommodare curabunt.

## DE LECTIONE SACRÆ

*Scripturæ.*

<sup>a</sup> Concil.  
Trid. Sess.  
5. c. 1. §. in  
ecclesijs.

**N**on solum in ecclesijs cathedralibus Episcopi præbendas<sup>a</sup>, quas Theologales vocant, pro lectione sacræ Scripturæ erigant, sed etiam in collegiatis existentibus in aliquo insigni oppido, si ibi clerus numerosus fuerit, ex sacri Concilij Tridentini præscripto, cum deputatione in eum vsum præbendæ primo vacaturæ, vbi commode fieri possit.

Prouisi de huiusmodi præbendis sacram Scripturam, aut Theologiam interpretari, docereque diebus quidem festis populum, ferialibus vero certis diebus ab Episcopo præscribendis clerum per se & non per alios compellantur.

Quibus in oppidis præbenda huiusmodi erigi non potest, Episcopi Magistrum saltem Grammaticæ instituant ad populi cleriq. instructionem; cui de consilio Capituli vel simplicis beneficij fructus assignent, vel stipendium congruum a populo curent assignari.

<sup>b</sup> Ibid. §. in  
monast.

In<sup>b</sup> monasterijs monachorum & quorumcumque regularium, vbi nulla sacrarum litterarum lectio reperitur, curent Episcopi tãquam Sedis Aposto-

sto-

CONCIL. AVENION. 21

ſolicæ delegati ex Concilij Tridentini facultate eam quamprimum per idoneum virum inſtitui; ſi commodè fieri poterit, habita ratione prouentus monaſterij, & numeri fratrum.

DE SACRAMENTIS IN

*Communi.*

**V**T Sacramenta maiori cum religione animiq. pietate ſuſcipiantur: Epifcopi in ijs quæ per ipſos tatum adminiſtrari poſſunt<sup>a</sup>, qualia ſunt Confirmatio, & Ordo, prius illorum vim & uſum pro ſuſcipientium captu explanare ſtudeant.

<sup>a</sup> Concil.  
Trid. Seſſ.  
24. c. 2. 7.

Idem a Parochis in ceteris ſacramentis miniſtrandis fieri curent lingua vernacula iuxta formam in Catechiſmo præſcriptam. Illi vero materiam, formam, & ritum iuxta Romanum Rituale diligenter attendant. Cum ſacramenta miniſtranda erunt, Parochi ſuperpellicio mundo & integro ſtolaq. induti ſint.

Pro ſacramentorum miniſterio nullus ſacerdos, quantumuis egens, verbis, aut nutibus quidquam prorfus vel minimum petat, exigatve. Aſtantes vero; vt remoto omni colloquio, pie ac religioſe admodum interſint, moneantur.

Excommunicati, hæretici, infideles, Iudæi ne ſacramentorum adminiſtrationi intereſſe permittantur, immo nec catechumeni.

Fiat

Fiat brevis formula rerum quæ scitu necessariae sunt lingua Gallica, de materia, forma, & ritu cuiuslibet sacramenti pro Parochis prouinciæ.

*DE SACRAMENTO BAPTISMI.*

**D**Ecernimus sacras cærimonias in Baptismo administrando, ex libro Baptismali approbato, & ex formula describenda a deputandis a Concilio, seruari debere a Parochis.

De con-  
secrat. d. 4.  
per tot.

Præcipimus, ne in posterum expectandi patri-  
ni gratia, aliave de causa, præterquam necessitatis  
extremæ, cum scilicet periculum vitæ infanti time-  
tur, Baptismus sine solemnitatibus cærimonijsq.  
adhiberi solitis ministretur.

Parochi obstetrices diligenter instruant de  
materia & forma in Baptismo seruanda; simulq.  
doceant, cum infanti vitæ periculū imminet, hunc  
ordinem seruandum esse, vt ex præsentibus sa-  
cerdos clerico, clericus laico, virq. mulieri præ-  
feratur, dummodo formam & baptizandi modum  
recte nouerint.

Baptismus nonnisi ad tertium diem protraha-  
tur, nisi aliter Episcopo visum fuerit. Cetera si  
quæ sint, quæ ad Baptismi administrationem spe-  
ctant, in formula cõficienda diligenter tradentur.

Caueatur autem ante omnia, vt abusus ille Ba-  
ptismum diuidendi, ex nostra prouincia funditus  
& omnino euellatur.

DE OLEIS SACRIS.

**P**arochi omnes post feriam quintam in Coena Domini, quando scilicet noua olea sunt consecrata<sup>a</sup>, antiquis amplius non vtantur, sed ante Pascha quotannis sacerdos aliquis mittatur, qui noua accipiat, & vetera comburantur.

<sup>a</sup> De consecrat. d. 4. c. si quis de alio.

Sacrorum item oleorum vascula in ecclesia tantum, non alibi religiose asseruentur in ciborio, aliove loco ab Episcopo constituto ad formam instructionum, nisi de oleo infirmorum certis casibus aliter faciendum Episcopus iudicauerit.

Olea asseruentur sub bona custodia, loco scilicet tuto, clauibus munito, quæ a Rectore ipso teneantur, non a clerico.

Vascula vero dictorum oleorum ea consent materia & forma cum inscriptione, quæ perpoluta & munda perpetuo sint, & sacco serico inclusa.

Cui in ecclesia cathedrali id muneris datum est, vt oleum aut Chrisma sacrum Plebanis alijve Parochis distribuat, hic in librum eo nomine confectum referat nomina eorum quibus dederit, & ecclesiarum, pro quibus ille acceperit.

Ne autem alicui det, qui sacerdos non sit, aut saltem in sacris constitutus.

Cum oleum Chrismatis consecratur, omnino intersint cooperatores, & qui dignitates seu persona-

24 *CONST. PROVINC.*

sonatus obtinent, & Canonici, & reliqui cathedralis ecclesiæ clerici, & quos ex alijs ecclesijs suæ ciuitatis & diocesis Episcopus vocandos duxerit.

*DE AQUA BAPTISMALI.*

<sup>a</sup> De Consecr. d. 4. c. in sabbato.

**B**aptismalis aqua singulis annis<sup>a</sup> sabbato sancto, atque etiam in vigilia Pentecostes renouetur, infra annum præterea numquam, nisi necessitate urgente.

Ad aquam autem baptismalem infundendam, ne manus, sed vas argenteum, alteriusve decentis materiæ adhibeatur; nec illa in eadem fontis aquam redeat, sed vel in sacrarium, vel in peluim, quæ illi tantum vsui addita sit, recipiatur ad formam instructionum ad vsum huius prouinciæ edendarum.

Porro aqua baptismalis non in phiala vitrea, aut vase fictili conseruetur, sed in lapideo, vel æneo ad formam instructionum conficiendarum.

*DE SACRAMENTO CONFIRMATIONIS.*

**E**piscopus cum sacramentum Confirmationis ministraturus erit, Parochis iubeat aliquot ante diebus id populo denuntiare, eumq. de tanti sacramenti dignitate & fructu ex Catechismi Romani



mani doctrina docere atque instruere, instructio-  
nesq. hac de re lingua Gallica editas promulgare  
Dominica ante Pentecosten.

Confirmandi autem, vt melius præparati hu-  
ius sacramenti gratiã & dona percipiant, ad<sup>a</sup> con-  
fessionis & Eucharistiæ ( si tamen id ætas permi-  
ferit) sacramenta suscipienda cohortationibus in-  
ducantur.

<sup>a</sup> De con-  
secrat. d. 5.  
c. v. ieiuni.

Patrini & matrinæ nihil pueris quos suscepe-  
runt, aut eorum parentibus tunc temporis lar-  
giantur: ne ipsi munusculis illecti, ac maxime pau-  
peres, ad iterato suscipiendum hoc sacramentum  
cum sacrilegio inducantur.

Tempus autem proprium huius sacramenti ad-  
ministrandi in ciuitate quidem est Octaua Pente-  
costes, in dioecesi vero, cum visitatur. Cetera  
quæ ad Confirmationis sacramentum rite decen-  
terq. suscipiendum requiruntur, in instructione  
tradentur.

## D E S A C R A M E N T O

### *Eucharistiæ.*

**E** piscopus diligenter curet, vt in cathedrali,  
collegiatis, parochialibus, & alijs quibusvis  
ecclesijs, vbi sacrosancta Eucharistia custodiri  
solet, vel debet, in maiori altari collocetur; nisi  
necessaria, vel graui de causa aliud ei videatur.

D Ante

Ante ipsam vna saltem lampas semper accensa colluceat.

Tabernaculum ligneum, aliave materia constans, in quo sanctissima Eucharistia conseruatur, panno serico intrinsecus<sup>a</sup> circumuestitū vndique sit; conopæo etiam decenti, pro ecclesiarum facultate, lociq. dignitate, contectum, ac bene præterea tutoq. clausum, atque ita quoque aptatum, vt inde sanctissimum Sacramentum commode depromi possit.

<sup>a</sup> De cele.  
brat. Miss.  
c. sane cū.

Duas pixides vnaquæque parochialis ecclesia saltem habeat; alteram forma maiori ad vsum sacrae Communionis populo in ecclesia ministrandæ & asseruandæ, alteram minori, qua sanctissimū Sacramentum ad infirmos deferatur. Vtraque pixidis velo serico vel conopæo contegatur. Intra pixidem verò corporale adaptatum perpetuo ponatur.

Quinque saltem particulae semper conseruentur, quæ octauo quoque die renouabuntur.

Instituatur Cōfraternitas Corporis Dñi ijs in locis vbi non est. Cōfratribus regulas seruandas Episcopus tradet: quorum præcipuum munus erit, vt quoties sacrosanctum Christi corpus ad infirmos vel in processionibus deferendum erit, ipsorum aliqui numquam desint, qui præter alios honorifice<sup>b</sup> illud comitentur.

<sup>b</sup> Ibidē §.  
quam in.

Caueant omnes sacerdotes, qui sanctissimum Eucha-

CONCIL. AVENION. 27

Eucharistiæ sacramentum administrant, ne sacro-  
sanctum Domini corpus de patena communican-  
tibus exhibeant, nisi forte pauci sint: sed vel ca-  
lice, vel pixide contineatur.

Purificatio posthac in calice consecrato non  
præbeatur.

DE PASCHALI

*Communione.*

**C** Vrabit Episcopus, vt iuxta c. omnis vtriuf-  
que sexus<sup>De po-  
nit. & re-  
miss.</sup>, quilibet in Paschatis solemnitate  
sacerdoti proprio, alijve ab Ordinario approbato  
peccata rite confiteatur, & in propria parochia  
communice.

1. Qui ad Communionem accedere volent, no-  
men & cognomen suum, & locum in quo habitant,  
scriptum in schedula præbebunt sacerdoti ad id  
deputato, vbi sine scandalo & incommodo id præ-  
stari possit.

Ne quis Curatus, aut sacerdos ad Communio-  
nem recipiat aliquem extra parochiam suam tẽ-  
pore Paschali.

Curati singulis diebus festis, & Dominicis Qua-  
dragesimæ, decreta hæc de Paschali Communio-  
ne publicent in maiori populi frequentia.

## DE SACRAMENTO

*Pœnitentiæ.*

**M**Vnus audiendi confessiones, cum si longe grauiſſimum, nemini committi debet, qui doctrina<sup>a</sup>, moribus, ac prudentia idoneus ad id ſuſcipiendum non inueniatur. Doctrina ita que illorum ab Examinatoribus, vita a fide dignis teſtibus, Episcopi cura & iuſſu, diligẽter explorabitur.

<sup>a</sup>De pœnit. d. 6. c. qui vult. §. iudiciaria.

Vt vero inſcitiam, quæ calamitoſis hiſce temporibus multorũ malorum cauſa eſt, facilius propulſent Episcopi; lectionem caſuum conſcientiæ, ubi id commodè fieri poterit, inſtituant: ad quã Parochos, ceteroſq; ſacramenti pœnitentiæ miniſtros ire procurent: aut ſaltem confeſſariorum conferentiam, quam vocant, fieri curent bis in hebdomada; cui vir doctus & cordatus præſit.

Breuis inſtructio fiat pro confeſſarijs a deputatis ab hac Synodo Prouinciali, quam ipſorum ſinguli habere teneantur.

Si quis præuiſo examine paulo rudior repertus fuerit, non ei facultas concedatur, niſi ad breue tempus ex rationabili cauſa putauerit Episcopus eſſe concedendam.

Approbati habeant bullam in Cœna Domini, & caſus Episcopis reſeruatos. Vbicumque Vicarij perpetui haud ſatis idonei ad audiendas confeſſiones conſtituti ſunt, ingruente Paſchate, aliave

aliave solemnitate, qua frequentior confluit populus ad confessiones, eo mittantur sacerdotes tam sæculares, quam religiosi ab Episcopis, Capitulum sumptibus, quibus vnita beneficia fuerint, aut illorum ad quos alia quacūque de causa pertinere cognoscent: & tamen vtatur Episcopus aduersus huiusmodi Vicarios minus idoneos auctoritate sibi tributa decreto cap. 3. Sess. 6.

Vbi Curatus non sufficit, alij deputentur, quorum nomina toto anni circulo in ostio sacristiæ legantur. Vbi Vicarij perpetui non sunt, constituantur ad arbitrium Episcopi.

Poenitentiarius ad præscriptum Concilij instituat in cunctis ecclesijs cathedralibus cum vnione præbendæ proxime vacaturæ.

Colligantur in vnum casus referuati a singulis Episcopis in suis Synodis Diocesanis, vt ex omnibus certus numerus seligatur eorum qui per Concilium Prouinciale referuandi sint.

## DE SACRAMENTO ORDINIS.

**Q**uæcumque a sacris Canonibus\*, maxime a sacrosancta Synodo<sup>b</sup> Tridentina constituta sunt, in conferendis ordinibus inuiolabiliter ab Episcopo obseruentur.

<sup>a</sup> In decret. per multas de: erat. & qual. ord. 6 Sess. 24. cap. 3.

Nemo ad titulum patrimonij ordinetur, qui re vera patrimonium ad congruam sustentationem suffi-

30 CONST. PROVIN.

sufficiens non habuerit, quiq. alicui ecclesiæ non adscribatur; quod Episcopi diligentissime obseruent. Qui beneficia obtinent, sui beneficii congruentes ordines suscipere cogantur intra tempus a iure præscriptum, ordinati vero per se ipsos propria munera exercent.

Qui non est in sacris constitutus, non utatur dalmaticis, ceterisque ordinum sacrorum insignibus.

<sup>a</sup> Concil.  
Trid. Sess.  
23. cap. 7.

Quotiescumque ordinatio<sup>a</sup> de more publice celebranda erit, edictum antea promulgetur, affigaturq. in valuis ecclesiarum, in quo omnes recensentur qui ab ordinum susceptione procul arcantur. In hoc præterea edicto sequentia documenta contineantur.

Quisquis tonsurandus est, ad examen vestitu clericali indutus accedat: id quod multo magis de ceteris intelligitur. Ordinandi, feria quarta, & sexta eius hebdomadæ, qua ordinatio habenda est, ad aulam palatii Episcopalis hora pomeridiana pro examine conueniant.

Promouendi etiam ad minores ordines, præter litteras dimissorias, testimonium afferant de vita & moribus ab Ordinario suo, tum etiam a Parocho loci ubi habitant, & a ludimagistro, cuius scholas frequentant.

Quicumque alicui maiorum ordinum adscribendus est, hæc testata faciat, scilicet, se ætatis esse le-

se legitimæ; beneficium sufficiens, vel patrimonium, quoties pro necessitate vel utilitate ecclesiæ promouebitur, pacifice possidere; quorum omnium publica instrumenta in medium proferet ab Examinatoribus diligenter exploranda. Hæc præterea testata faciet, se ex præscripta formula denuntiationes in ecclesia parochiali, tum etiam in illa in cuius finibus postremo domicilium habuit, per mensem antea publice die festo inter Missarum solemnias fieri curasse.

Qui alienæ est diœcesis, hæc afferat, litteras dimissorias, testimonium de statis denuntiationibus, de natalibus, vel dispensatione; testimoniū de ordine priore legitime suscepto, & functionibus in eo præstitis; dispensationem super interstitio, si illud omisit; testimoniū de vita & honestate.

Regularis hæc testata faciet, se legitimæ ætatis, in religione cum laude versatum esse, loci tituli emissam regulæ professionē, & rite ad priorem ordinem promotum fuisse.

DE SACRAMENTO  
Matrimonij.

IN cōtrahendis matrimonijs ex tum cautiones, tum solemnitates adhibeantur, quas præscribit Tridentina Synodus<sup>a</sup>.

Sacerdos facultatem non habens ab Ordinario, vel proprio contrahentium Parocho, si matrimo-

<sup>a</sup> Sess. 20.  
cap. 3. &  
sequen.

nio

nio interesse, contrahentesq. coniungere attentauerit, grauius puniatur, & quidquid attentatum fuit, irritum declaretur.

Parochus sciat se non rite munere suo perfundum, si quæ sequuntur obseruare neglexerit. Parochi eorum qui vagantur, & certas sedes non habent, matrimonijs ne intersint, nisi prius diligentem inquisitionem fecerint, & re ad Ordinarium delata, licentiam id faciendi obtinuerint, quemadmodum salubriter cauetur decreto c. 7. Sess. 24. de refor. matr.

Matrimonium posthac non domi, sed in loco sacro celebretur: benedictio insuper sponsum in Missa perficiatur: secundæ nuptiæ non benedicantur.

Sponfos, antequam contrahant, vel triduo ante matrimonij consummationem, hortentur Parochi, vt diligenter peccata sua confiteantur, & sanctissimum Eucharistiæ sacramentum pie suscipiant.

## DE SACRAMENTO

### *Extrema Vnctionis.*

**C**Aueat Parochus, ne in administranda extrema Vnctione negligentiam, vllamve moræ culpam contrahat: alioquin si ad illius administrationem accersitus ire neglexerit, tū rationem

Deo



Deo reddet, tum grauitè ab Episcopo poena ple-  
ctetur.

Parochus extremæ Vnctionis sacramentum si-  
cut his ministrare debet, adultis scilicet, pericu-  
lose ægrotantibus, propeq. moribundis: ita istis  
ne ministret, nempe pueris rationis vsu carenti-  
bus ad iudicium Parochi, mulieribus in partu la-  
borantibus, & ijs qui vltimo supplicio mox affi-  
ciendi sunt.

Curabit Parochus, vt sacræ Vnctionis oleum ho-  
norificè debitaq. reuerentiâ gestet, cruce præcun-  
te, vt moris est.

Quod Concilio Agathensi cautum est, id vnus-  
quisque Parochus præstare curet, vt Missæ sacrifi-  
cio peracto, si quos in parochiali vicinia ægrotos  
habet, frequenter, atque adeo quotidie, si fieri  
potest, inuisat, eisdemq. præstet quæ sunt paro-  
chialis sollicitudinis officia.

#### DE MISSÆ SACRIFICIO.

**M**issæ sacrificium salutare, quod a Domino  
Iesu Christo institutum est, ea tractare di-  
gnitate par est, quæ tantum mysterium decet.  
Quapropter vt rite celebretur, audiantur: Missa,  
hæc quæ sequuntur diligenter obseruari Synodus  
mandat.

Congregationem pro cærimonijs & ritibus  
E Missæ

Missæ erigant Episcopi in sua quique Ecclesia ; in qua semel in hebdomada diligenter de cunctis ad Missam & cetera diuina officia spectantibus ediferatur , & ad rationem & vsum receptum a sancta Romana Ecclesia cuncta examinentur , & receptæ cærimoniarum probentur .

Capitula Magistrum cærimoniarum instituunt , qui probetur ab Episcopo , quiq. accurate a Congregatione probata non modo ediscat , verum ceteros etiam doceat .

In celebrandis Missis hæc obseruabuntur . Missa<sup>a</sup> vniuscuiusque diei propria , quoad fieri potest , celebretur . Si quæ Missa voriua cantanda sit , ante vel post Missam officio conformem canatur .

<sup>a</sup> De celebrat. Miss. c. quidam laicorum.

Quoniam vero plerosque audiuius ad libitum collectas multiplicato , ideirco non plures septem , vel ad summum nouem dicantur , In Missæ fine non aliud Euangelium , quam consuetum sancti Ioannis dicatur ; nisi in Quadragesima , diebusq. Dominicis anni , & Quatuor temporibus currens Euangelium legendum sit .

In cathedralibus & collegiatis ecclesijs , vbi certus est Missarum numerus , hic ordo seruetur , vt pro populi commoditate , qui sæpe Missis carere cogitur , nō simul Missæ omnes celebrentur , sed ex intervallo , ita vt singulis horis Missæ possint audiri .

Fiat tabula per Præcentorem , in qua Missæ ordine suo disponantur .

Laicus, si fieri potest, nullo modo ministret altari: clericus vero diligenter instruat circūministerium suum.

Non admittatur sacerdos alterius diocesis ad celebrandam Missam & alia diuina officia, qui nō habeat \* litteras dimissorias.

Ab omnibus Diocesānis audiatur integra \* Missa diebus Dominicis & festis.

DE MISSARVM

*reductione.*

**S**aluberrimo Cōcilij Tridentini \* decreto inherentes, quo pijs testantium voluntatibus consultitur, simulq. incommodo, quod ex eleemosynarum tenuitate oritur, remedium affertur; hæc circa Missarum reductionem sancimus. Si legatum de cetero ecclesiæ relinquatur, aut si capella recens erigenda sit cum onere vnius Missæ diebus singulis per annum celebrandæ, is redditus constituitur, ex quo decenter ac commode sacerdos onus subiens viuere possit: quantus vero esse debeat, Episcoporum arbitrio censeatur. Porro ad istius redditus annui rationem ceteros qui pro varietate onerum cōstituuntur siue ex testatorum voluntate, siue ex fundatione dotationeq. alicuius capellæ, expendi in futurum volumus.

Quod vero in futurum prospeximus, ad præ-

E 2 ritum

\* Concil.  
Trid. Sess.  
23. c. 16. §.  
nullus. de  
consecr. d.  
§. c. non o-  
portet.  
b De con-  
secr. c. oēs.  
& c. Missar.

\* Concil.  
Trid. Sess.  
23. c. cum  
Catholica.  
§. curent,  
& §. con-  
tingit.

ritum quoque extendi debere declaramus: decer-  
nentes, Missas, pro quibus pia quædam legata reli-  
cta sunt, si plures fuerint, quam iuxta supputa-  
tionem factam annui redditus quantitas ferat, ad  
pauciores reducendas esse ex præscripto Concilij  
Tridentini. qua reductione facta, Anniuersarium  
singulis annis pro ijs celebrabitur, qui ecclesiæ  
pauca illa legauerunt.

Omnes vero ac singulos, qui Missas votiuas  
celebrare faciunt, hortamur, ut sacerdotibus eas  
celebrantibus tantum eleemosynæ nomine impen-  
dant, quantum pro victu decenti & honesto illius  
dici ipsi sufficiat. Aequum etenim est, ut iuxta  
Apostoli sententiam, qui altari seruit, de altari  
vivat.

#### DE MISSAE SUPPELLECTILE.

**A**ltare habeat hæc quæ sequuntur: Altare por-  
tatile consecratum, nisi altare ipsum totum  
consecratum esse constiterit: Candelabra duo:  
Cruce in medio ex aliqua decenti materia: Pallium  
ante altare eius coloris, quem dies requirit: Tabel-  
lam orationum secretarum: & mappulam de-  
centem ad manus tergendas.

Calices ad sacrum Missæ sacrificium non adhi-  
beantur, nisi argentei ab interiore parte inaurati.  
Sint vero his omnibus instructi: Purificatorio  
de-

\* De con-  
secrat. d. 1.  
c. vt vasa.  
c. vt calix.

decenti & albo (ecclesiæ etenim singulæ iussu nostro certum purificatoriorum numerum, qui cunctis Missis sufficiat, confici curabunt) in cuius medio crux parua picta sit; Patena inaurata ad dignoscendas particulas commodiore; Velo decentius coloris, qui Missæ officio conueniat, quodq. totum calicem tegat.

Charta præterea, in qua Gloria, Credo, & verba consecrationis continentur.

Vrcei, qui Missæ deferuiunt, posthac vitrei erunt, non stannei.

Prohibemus facularum, seu candelarum minutionum vsum. Dum sacrosanctum Christi corpus eleuandum erit, grandior<sup>a</sup> fax accendatur, pulserurq. campanula, quæ ad altaria singula posita sit.

<sup>a</sup> De celebrat. Missæ. sane cū.

## DE RELIQUIIS ET

*veneratione Sanctorum.*

**E**T si Sanctorum reliquias, quæ organa fuerunt Spiritus sancti, Ecclesia Catholica vbique pia veneratione ac honore prosequendas præcipit, nobis tamen id magis magisque cordi esse debet, qui in his locis degimus, circa quæ hæreticorum nequitiam in Sanctos eorumq. corpora nefarie grafari comperimus. Idcirco illud ante omnia præcipiendum censuimus, ne superstitioni, aut falsæ cre-

Concil.  
Trid. Sess.  
25. cap. 2.  
per tot.

credulitati ansa præbeat, ut nullo pacto nouæ reliquię inuehantur, inuectæve honore aliquo afficiantur, nisi recognoscente & approbante Episcopo: qui simulatque de ijs aliquid comperit habuerit, adhibitis in consilium Theologis, alijsq. pijs viris, ea faciat, quæ veritati ac pietati consentanea iudicauerit.

Vnaquæque ecclesia inuentarium habeat sacrarum reliquiarum, in quo annotentur attestaciones cuiusuis generis, vnde probetur veritas ipsarum reliquiarum & certitudo.

Curabit Episcopus librum confici & conseruari in archiuio Episcopali, in quo diligenter describantur reliquię totius diœcesis cum publicis & priuatis monimentis & attestacionibus.

Illæ vero loco decenti, honesto, atque conspicuo, non humido, aut fordido, minusve decenti, in ecclesia, aut sacrario custodiantur, vbi nihil aliud seruari soleat: locusq. ipse serico interius ornatus sit, qui duabus clauibus, & crate ferrea, vel ligneo ostiolo claudatur, clauessq. ipsæ ab Episcopo deputandis personis de clero grauib. ac religiosis tradantur: & nisi omnino inops sit ecclesia, lampas ante illarum armarium noctu interdumq. ardeat.

In exponendis reliquijs hæc quæ sequuntur diligenter aduertenda erunt.

De reliq.  
& vener.  
sanct. c. cū  
ex co.

Non vulgo<sup>b</sup>, neque facile nimis frequenterve  
po-

*CONCIL. AVENION.* 39

populo inspiciendæ proponantur, sed diebus dumtaxat solemnibus.

Ne alibi quam in altari, aut de superiori loco populo ostendantur.

Caueatur turpis quæstus.

A sacerdote stola, ac pluuiali, vel superpellicio pro ecclesiarum & reliquiarum ratione induto cū luminibus exponantur, & recondantur. Idem seruandum, cum portantur in processionibus.

Dum exponuntur, candelæ ad minus duæ ardeant.

Ne ad infirmos afferantur, nisi maxima ex causa ab Episcopo probanda.

Vnusquisque Episcopus edictum conficiat, ac promulget, in quo prohibeat, ne quisquam de reliquijs sumere, donare, extrahere, aut donatas recipere audeat sub poena excommunicationis latæ sententiæ.

Si rumor incertus de miraculo vel ad reliquias, vel ad imagines Sanctorum edito in vulgus prodierit, diligenter rem totam explorabit Episcopus, ne falsa pro veris irrepan-

*DE SACRIS IMAGINIBVS.*

**V**T sacrae imagines qua decet religione ex-  
primantur, id in primis cauendum est, ne  
pictores, sculptoresve illas effingant, nisi ad regu-  
larum normam, quæ hoc loco breuiter subiiciun-  
tur,



#### 40 CONST. PROVIN.

tur, ostenso prius exemplari Episcopo, vel eius officiali.

<sup>a</sup> Concil. Trid. Sess. 25. cap. 11 §. omnis. Imagines nihil turpe<sup>a</sup>, nihil profanum, nihil indecorum, quodve risum moueat, aut intuentium oculos offendat, repræsentent.

Multo magis cauendum est, nè quidquam falsum, vel apocryphum, superstitiosumve ob oculos ponant.

<sup>b</sup> Ibidé §. hanc vt. Nullæ imagines in ecclesijs pijsve locis sine Episcopi<sup>b</sup>, aut illius Vicarij generalis concessu palam exponi permittantur. Hi vero, picturæ, sculpturæve qualitate perspecta, quod sibi congruum visum fuerit, constituent.

Imagines neque humi, neque sordido, aut caliginoso loco, neque sub fenestris, vnde pluuia stillare possint, effingantur.

Si quæ imagines, vel statuæ ab impijs hominibus violatæ, deiectæ, profanatæ, ac demum mutilatæ in hac prouincia fuerint, eas Episcopi curabunt quamprimum statui pristino restitui.

#### DE ECCLESIARVM FVNDAZIONE

##### & Structura.

<sup>c</sup> De consecr. d. i. c. hic ergo. & cap. nemo Eccles. **E**cclesiæ & capellæ, si quæ de nouo extruendæ sint, certior antea reddatur Episcopus: qui illarum formam iuxta sacrorum Canonum sententiam trader, recentemq. structuram auctoritate



ritate sua admitter, sine cuius consensu nihil magni momenti in iam extructis destrui, reædificari, innouarive poterit.

Prouentus templorum fabricis dedicati, ac pro reparandis ornandisq. ecclesijs instituti, non temere, aut superflue insumantur, sed de ijs administratores Episcopo rationem reddere teneantur.

Quoniam vero templa permulta huius prouinciæ reparatione indigere audiuius, idcirco sacrosancti Concilij Tridentini decretum iisdem pene verbis hic in medium afferri, simulq. diligenter obseruari decernimus.

Parochiales ecclesiæ<sup>a</sup>, etiam si sint iuris patronatus, cura & studio Episcopi cū fructibus & prouentibus quibuscumque ad easdem ecclesias quomodocumque pertinentibus reficiantur & instaurantur: qui si non fuerint sufficientes, omnes patronos; & alios, qui fructus aliquos ex dictis ecclesijs percipiunt, aut in illorū defectum parochianos omnibus remedijs opportunis ad prædicta Episcopi cogant, quacūque appellatione, exemptione, & contradictione remota. Quod si nimia egestate omnes laborent, ad matrices, seu uiciniores ecclesias transferantur, cum facultate, tam dictas parochiales, quam alias ecclesias dirutas, in profanos vsus, non sordidos, erecta tamen ibi cruce, conuertendi.

Altaria non quacumque in templi<sup>b</sup> parte ex-

F trui

<sup>a</sup> Concil.  
Trid. Sess.  
21. c. 7. §.  
Paroch.

<sup>b</sup> De consecr. d. 1. c. ecclesiæ.

trui debent, sed decenti ac commodo loco, eo sane situ, ut aliquid spatij inter ea interster.

<sup>a</sup> l. decernimus. l. i.  
C. de Episc.  
& cler.

Ne signum crucis in solo<sup>a</sup> sculptum depictum, ve inueniatur, immo ubi nunc sit, omnino deleatur, ne pedibus obambulantium proteratur.

## DE MODO VERSANDI

*in ecclesijs.*

<sup>b</sup> De consecr. d. i. c.  
omnes fideles,

**C**Aueant omnes, ne Dei domum vilo modo profanent<sup>b</sup>. Quocirca nullus in ecclesiam canes, accipitres, armave, nisi ad Principis custodiam inducat.

<sup>c</sup> Ibid. cap.  
quando autem.

Nullus in ea deambulet, sermonesve<sup>c</sup>, nisi de rebus pijs, quocumque tempore, vel negotia inibi pertractare audeat.

Abusum porro illum, quo mulieres quibusdam festis diebus placentas ac flores ingredientibus non sine scandalo offerre ac præbere solent, iustis de causis tollendum omnino decernimus.

Illi quoque reprehensione digni sunt, qui dum Missæ sacrum peragitur, ad altare propius accedunt, aut sermocinantur, aut perinde se gerunt, atque si in plateis versarentur.

Ornari præterea ecclesias, præsertim diebus celebrioribus, maxime conuenit. Omnis tamen profanatio cauenda erit. Quare aula & peristromata, quæ obscœnis figuris, ac figmentis poeticis in-

texta

texta sunt, ad ecclesiarum ornatum nullus adhibeat; neque item pictas imagines & signa, quæ loci sanctitati minime conueniant. Nullæ item eorum qui inter Sanctos relati non sunt, præterquam summorum Romanorum Pontificum, aut aliorum qui loci qualitati conueniant, effigies appendantur: hæ etenim cuique loco maximo ornamento sunt, atque decori.

Debet ecclesia diligenter<sup>a</sup> custodiri, statis temporibus claudi, seris firmissimis muniri, ne quidquā interdiu vel noctu surripiatur. Eius sepulturæ diligenter obstruantur: sacella eo nitore atque ornatu splendæant, quem locorum facultas, & impigra ædificii cura poterit adhibere.

<sup>a</sup> De custodia. Euch. cap. statutus.

Ille cuius fideli supellex commissa est, eam diligenter curet: quod ut accuratius fieri possit, Capitulum ei rei virum diligentem ac deuotum præficiat.

Cum autem bellorum causa interdum contingat ecclesias parum decenter haberi, dum vel in eis præsidia ponuntur, vel intra ipsarum septa milites excubias agunt: idcirco volumus ab ecclesiarum curatoribus mox ad Episcopum referri, si quid eiusmodi factum attentatumve fuisse acceperint. Is vero pro muneris sui ratione curabit, ut ecclesiæ in eo quo decet habeantur honore.

## DE SEPULCHRIS.

**C**onstitutionem sanctæ memoriæ Pij Quinti de sepulchris & monumentis diligenter Episcopi obseruent, & obseruari curent.

Quæ vero in posterum sepulchra construuntur, illorum ostia omnino duplici lapide contegantur; in quorum superiori sine licentia Episcopi nihil effingatur, ipsaq. epitaphia non sine ipsius consensu & approbatione insculpantur.

Nulla prorsus in choro, aut in capella maiori sepulchra ædificentur, nulla denique sint prope altaria, minus autem sub ipsis posita, nec vero sub bradellis, immo eorum ostium a bradella tres aut saltem duos cubitos procul distet.

## DE COEMETERIIS.

De immunit. eccles. c. cum Ecclesia.

**C**oemeteria religiose tractari debent, atque adeo nihil in eis profanum agendum est. Sint itaque semper clausa, parietibus trium cubitorum altitudinis circumsepta, ne illac animalia pertransire possint.

Arbores nullæ, fruticesve in coemeterijs serantur, sed iam satæ succidantur, nisi in extremitate areae forte sitæ sint.

Nemo in coemeterijs deambulet, ludat, merces

tes exponat, linteamina & reliqua id genus expandat, aut denique quidquam in illis profanum exerceat.

Locus autem aliquis separatus, regulisq. saltem contactus ibi sit, in quo sacrosanctum Christi vexillum conspiciatur, vel etiam sub dio, modo decenti loco collocetur.

DE SACRISTIA.

**Q**uamquam pleraque ad sacristiæ cultum in formula de suppellectile Ecclesiastica tradenda sint, hæc tamen observanda præsentis loco Synodus mandat.

Sacrista, aut operarius<sup>a</sup>, vel quocumque alio nomine designetur is cui sacristia commissa est, inuentarium totius suppellectilis conficiat, & Episcopo præbeat.

<sup>a</sup> De cust.  
Euch. cap.  
relinqui.

Episcopi sacristias visitantes, omnia paramenta per se ipsos videant; & attrita iam, quæq. nulli vsui esse<sup>b</sup> possunt, ijs in frustra dissectis, omnino amoueri curent.

<sup>b</sup> De consecr. d. r. c.  
vestimenta

Loco magis conspicuo sacristiæ sacra imago collocetur, atque etiam altare cruce & candelabris munitum, ad quod celebraturus sacras vestes induat.

Oratorium præterea seorsum construatur, quo sacrum celebraturus sacerdos se recipere, orare, & me-

& meditari aliquantum possit; in quo pia Crucifixi imago affixa sit, & tabella item earum quæ ante, quæq. post Missam recitari solent, orationum.

Confessionale etiam loco commodiore ponatur pro sacerdotum confessionibus audiendis.

Lauacrum etiam sit ad abluendas manus in pariete excavato, & ad manus tergendas linteum appendatur; idq. ne sordibus inquinatum appareat, in singulas saltem hebdomadas mutetur.

In sacristia silentium obseruetur, nec ullus nisi de rebus necessarijs, tum vero voce submissa, in ea loquatur. Sacrista toto tempore quo celebrantur Missæ, numquam discedat, nisi alio subrogato.

Caueant sacerdotes, ne se ad altaria sacras vestes induant: se itaque ad Missas in sacristia parent. Sacerdoti sese induenti aliquis præsto sit, qui albam, aliasq. vestes decore & concinne aptet.

## DE VITA ET HONESTATE

*Clericorum.*

<sup>a</sup> Concil.  
Trid. Sess.  
22. cap. 1.

**Q**uoniam multa a Concilijs<sup>a</sup> tam generalibus, quam provincialibus, & a summis Pontificibus de vita & honestate clericorum sancita sunt, experientiaq. didicimus a plerisque vel ignorari, vel negligi: idcirco quæ sequuntur, in memoriam reducenda esse censuimus, ab omnibus clericis inui-

inviolabiliter obseruanda, graui poena ad Ordinariorum arbitrium transgressoribus proposita.

Quia vero (vt scriptum est) labia sacerdotis custodiunt scientiam, & legem requirent de ore eius; sunt enim sal terræ: idcirco sacerdotes omnes hos libros penes se habeant, Testamētum vetus<sup>a</sup> & nouum Latinum editionis vulgatæ, Catechismum Romanum, Concilium Tridentinum, Compendium summæ Nauarri, aut alērius, Cōstitutiones Synodales proprij Episcopi, & protincales. Libri autem obsceni, inutiles, & vani apud eos nullo pacto reperiantur.

Curati vero, præter iam numeratos, alios etiam codices sibi comparabunt, eum præsertim in quo recta administrandorum sacramentorum ratio contineatur, & Instructiones a nobis tradendas.

Habitus clericorum sit decens<sup>b</sup> & honestus, <sup>b De vic. & hon. cler. c. clerici.</sup> nec nimium elegans, nec sordidus, sed huiusmodi qui ipsorum vocationi & statui respondeat, totus nigri coloris, non vanus, non effeminatus, non militaris.

Clerici omnes beneficiati, vel in sacris constituti duas talaris vestes gestabunt, vel saltem tunicam vsque ad genua demissam sub altero indumento, quod talos contingat.

Presbyteri, diaconi, subdiaconi, & quicumque beneficia etiam simplicia obtinent, coronam<sup>c</sup> clericalem gestent ad eam formam, quā ratio vniuscuius-

<sup>c Ibidem.</sup>



cuiusque ordinis postulat, quæ octauo quoque die renouetur. Cura sit Præcentoris, an id obseruetur, adnotare. Presbyteris barba a superiore labro ita præcidatur, vt pili in sacrificio Missæ Christi Domini corpus & sanguinem sumentes non impediant.

Obtinentes pensionem aureorum sexaginta teneantur incedere in habitu clericali sub pœnis cōtentis in bulla<sup>a</sup> Sixti V.

<sup>a</sup> Est 30.  
incip. cum  
sacrofanc.  
<sup>b</sup> d. 34. ca.  
quorundā

Non permittantur mulieres<sup>b</sup>, de quibus possit haberi suspicio, clericis cohabitare. Ancillæ, dummodo sint prouectæ ætatis, quæ scilicet, quinquagesimum annum expleuerint, nec alias impudice vixerint, obtenta prius licentia in scriptis ab Ordinario, concedantur.

Caueant clerici, ne partem domus, quam inhabitant, laico habenti vxorem, vel alias mulieres, de quibus possit haberi suspicio, etiam si sit frater, locent.

<sup>c</sup> De vit. &  
hon. c. clerici.

Clericos cauponarum<sup>c</sup> aditu & vsu omnino interdiciamus, nisi in itinere necessitatis causa. Abstineant clerici ab illicita venatione. Choreis, comœdijs, alijsve profanis<sup>d</sup> spectaculis nō intersint: Cum Musicis numquam obscœna canant. Ludos prohibitos non exerceant, taxillorum videlicet, & pagellarum.

<sup>d</sup> Eod. tit.  
c. cum de-  
corem.

Nullus clericorum etiam forensium laicis dominis inseruiat, nisi forte eorum pueros instituat;  
quod



quod etiam cum dignitate facere curabit .

Clericos procuracionem, aduocationemq. suscipere, nisi in casibus a iure permissis, artē medicam<sup>a</sup>, mercaturam, tabellionatumve exercere penitus prohibemus.

<sup>a</sup> De xta.  
& qual. c.  
ad aures.  
& de homi  
cid. c. tua  
nos.

Caueant qui in sortem Domini vocati sunt, ne publica vectigalia exigant, neve arrendamenta, quæ vocant, vllō modo conducant, aut alias illicitas<sup>b</sup> negotiationes exerceant.

<sup>b</sup> 21. q. 3. c.  
hi qui & c.  
sacerdotiū

Presbyteri teneantur singulis saltem Dominicis & festis Missam celebrare, Curati vero ter in hebdomada. Ceteri vero clerici singulis mensibus sacrosanctum Christi corpus, qua maiori possunt deuotione, sumant. Omnes interim quotidie Missam audiant, si poterunt.

Omnes abusus circa Missas<sup>c</sup> nouas prorsus tollantur.

<sup>c</sup> Concil.  
Trid. Sess.  
22. c. quā-

Sacerdotes, vt etiā a criminis suspicione absint, domos seligant in parte ciuitatis honestiore.

## DE CAPITULO ET

Canonicis.

**C**apitula, quæ statuta non habent, intra sex menses ea conficere teneantur ab Episcopo examinanda & probanda. Semel per hebdomadā in loco consueto Capitulū congregetur die a Canonici statuendo, qui tamen certus sit, ante vel

G post

post Missam, ne chori seruitium impediatur.

Congregati Canonici, oratione præmissa, Capitulum inchoabunt, quod itidem breui facta precatone absoluant.

In Capitulo contentiosas & elamosas confabulationes euitabunt: de ijs quæ ad ecclesiæ cultum, & ad pietatem promouendam spectant, deq. bonorum ecclesiasticorum administratione tractabunt.

Secretarius ibi præsto sit de Capituli corpore, qui decreta iam facta perscribat. Liber conficiatur illa continens.

Curabit Capitulum inuentarium confici præbendarum, & quorumcumque beneficiorum, distributionumq. quotidianarum; quod in visitatione Episcopo exhibebitur, vel a Synodo Dioecesana.

Administratores teneantur rationem reddere coram Capitulo, poena proposita ad Episcopi arbitrium. Rationem quoque anniuersariorum, & piorum legatorum reddant Episcopo singulis annis, si celebrata illa fuerint, hæc vero si executioni mandata.

a Concil.  
Trid. Sess.  
24. c. 20. §.  
omnes.

Canonicis præcipimus, vt Episcopo<sup>a</sup> assistant, dum Pontificalia exercet; inter quæ locum habet verbi Dei prædicatio. Eosdē hortamur, Missarum celebrationem frequentent.

Missas, quas seruato ordine vi statutorum singuli

# CONCIL. AVENION. 51

guli celebrare tenentur, nullo modo omittant, nisi ex vrgenti aliqua ca usa.

Quoniam in toto ordine clericali Canonicos decet præ ceteris esse conspicuos<sup>a</sup>: idcirco ab ipsis multo potiore iure morum gravitatem, totiusq. corporis habitus decentem quãdam speciem Synodus deposcit. Curabunt itaque tam in ecclesia, quam extra, virtutum studio ceteris prælucere.

<sup>a</sup> Ibidem & vestitu, d. 5 c. in omnibus.

Episcopi in ecclesijs<sup>b</sup> tam cathedralibus, quam collegiatis, in quibus nullæ sunt distributiones quotidianæ, vel ita tenues, vt verisimiliter negligatur, tertiam partem fructuum, & quorumcumque prouentuû & obuentionum tam dignitatum, quã cãonicatum, personatum, portionû, & officiorum separari curent, & in distributiones quotidianas conuerti, quæ inter dignitates obtinentes, & ceteros diuinis interessentes proportionabiliter iuxta diuisionem ab Episcopo, tãquam etiã Apostolicæ Sedis delegato, in ipsa prima fructuum deductione faciendã, diuidantur: saluis tamen consuetudinibus earum ecclesiarum in quibus non residentes, seu non seruientes, nihil, vel minus tertia parte percipiunt; non obstantibus exemptionibus, atque alijs cõsuetudinibus etiã immemorabilibus, & appellationibus quibuscũque. Crescenteq. non seruientium contumacia, liceat contra eos procedere iuxta iuris ac sacrorum Canonum dispositionem.

<sup>b</sup> Concil. Trid. Sess. 21. c. 3.

¶ Est 106.  
incip. Du-  
rum nimis

Vt omnis simoniacæ labis suspicio tollatur, iuxta decretum Concilij Tridentini, & bullam Pij Quinti\*, decernimus nihil in posterum dādum, accipiendumve pro quacumque collatione, prouisione, siue admissione ad possessionem alicuius cathedralis ecclesiæ, vel collegiatæ, beneficij, canonicatum, aut præbendarum, seu ad distributiones quotidianas. Quod si alicubi vigeat laudabilis consuetudo, qua admissi aliquid Capitulo cōferunt in vsus pios & ecclesiæ ornamenta erogandum: volumus eam ab Episcopo diligenter examinari; qui aliquem deputabit, cui incumbet de acceptis ab admissis coram Episcopo rationē reddere, an iuxta Concilij & Pontificum decreta expensa sint.

Curabit Capitulum certum paramentorum numerum confici ad Episcopi arbitrium, quæ nō solum beneficiatis, sed etiam aduentantibus exteris pro celebrandis Missis vsui esse possint. Volumus autem non solum de indumentis sacerdotalibus celebrandæ Missæ necessarijs prouideri, verum etiam de libris & calicibus, ceterisq. eiusmodi.

Omnes & singuli, tam dignitates, quam Canonici, ceteriq. ecclesiæ ministri, ea quæ in suis constitutionibus, aliorumve officiorum institutione in officijs diuinis attribuuntur, accurate exerceāt, eaq. curent Episcopi ab omnibus seruari.

Quod si neque a primæua institutione, neque

a pro-

a proprijs constitutionibus quæ probatæ sint, proprium officium illis attributum fuerit; aut quod sit, non facile constet: Episcopi, duobus adhibitis de Capitulo, quorum alter ab ipsis, alter a Capitulo deligatur, assignent singulis dignitatibus & officijs proprium munus, quemadmodum iuxta sacrorum Canonum sententiam pro ratione loci magis expedire videbunt.

DE HORIS CANONICIS.

**H**Oras canonicas omni diligentia ac pietate Deo perfolui oportet: quod summi Pontifices semper curarunt, præsertim Leo X. in Concilio Lateranensi, & Pius V. <sup>4 Est 133.</sup> Quorum sanctiones <sup>incip. Ex</sup> aduersus eos editas, qui illis interesse negligunt, <sup>praxi</sup> curent Episcopi ad vnguem obseruari.

Chori disciplinæ tum Præcentor, tum alij punctatores præfecti sint, qui omnes diligenter muneris suo fungi curabunt.

Punctatores duo eligantur, qui annis singulis mutentur, quiq. iuramentum præstent in Capitulo, se fideliter quæ sui muneris sunt; adnotaturos, ac rursus in manibus Vicariorum, antequam officium exerceant, sub pœnis arbitrio Episcopi infligendis.

Ambo punctatores libros conficiant eorum qui non interfunt, & singulis hebdomadis libros punctua-

punctuationum inter se conferant. Omnibus horis choro intersint, vel saltem eorum alter, nec possint alterum substituere.

Punctatores studiose, ac sine personarum acceptione, singulorum errores adnotabunt: quibus ob laborem ac studium annuum quoddam stipendium decernatur.

Nullus Canonicus, nec beneficiatus, neque alius clericus inter canendum dormiat, nugetur, litteras aut libros legat, officium priuatim recitet, per chorum vagetur, indecore sedeat, quidquamve faciat, aut loquatur, quod chori disciplinam & psallentium attentionem perturbet.

a De celebrat. Miss. c. dolentes  
§. hęc igitur.

Clerici in prima tonsura, aut in minoribus constituti, habentes pensionem super beneficio, recitent horas Beatę Marię Virginis iuxta bullam Pij Quinti.

Diuina officia ex ordine Kalendarij & Ecclesię instituto celebrentur, nec ea ratio sine iusta causa mutetur. Quamobrem a Magistro chori edatur tabella, qua singulorum dierum officij ratio præscribatur.

Omnes qui horis canonicis interfunt, Psalmos clare ac distincte pronuntient, omnem strepitum ac mentis euagationem fugientes.

DE CANTU ECCLESIASTICO.

**M** Vices numeros ad pietatis sensum permo-  
uendum salubriter adhibet Ecclesia. Qua-  
propter eius studium in cunctis ecclesijs non solū  
permittimus, verum etiam in dies augescere opta-  
mus. Ea tamen observatio habenda erit, vt non  
ad modulos profanarum \*cantonum, tum Psalmi,  
tum cetera Ecclesiastica occinantur.

\* Decr. v.  
ni. de ob-  
ser. & euit.  
Sess. 22.

Quod si carmina quædam vernacula lingua in  
Natali Domini permittenda sint in ecclesia conci-  
ni, ea primum ab Episcopo legantur, ac exami-  
nentur, nec nisi probata & cum subscriptione  
canantur.

DE BENEFICIORUM

*Collatione.*

**Q** Væcumque sancita sunt a Concilio<sup>b</sup> Tridē-  
tino, & bulla Pij Quinti, in beneficiorum col-  
lationibus diligenter volumus custodiri. Ne au-  
tem cui beneficium qualecumque prius ab Epi-  
scopis, seu inferioribus collatoribus conferatur,  
quam sancte iurauerit, vt in sequenti præscripta  
formula.

<sup>b</sup> Sess. 7. c.  
3. & Sess. 22  
c. 7. & Sess.  
25. c. 16.

Ego N. tibi Reuerendissimo domino promit-  
to, spondeo, ac iuro fidelitatem & obedientiam  
iuxta

iuxta formam sacrorum Canonum, meq. iura & libertates Ecclesiæ conseruaturū: bona & res Ecclesiasticas non alienaturum, quin potius alienata recuperaturum: nihilq. pro hac Ecclesia adipiscenda illicite, aut simoniace per me, vel per alios dedisse, aliamve illicitam pactionem interuenisse. Sic me Deus adiuuet, &c.

Si vero beneficium curatum sit, hæc præterea addat:

Iuro præterea, me non solum mandata vestra seruaturum, sed vt alij seruent, diligenter curaturum: Ecclesiæ meæ, animabusq. mihi commissis sedulo operam daturum personaliter residendo. Sic me Deus adiuuet, &c.

Ecclesiæ parochiales nonnisi præuio examine in concursu, iuxta decretum Concilij Tridentini, & sanctiones Apostolicas, conferantur.

## DE BENEFICIORVM Incompatibilitate.

<sup>a</sup> Concil. Trid. Sess. 7. cap. 4. <sup>b</sup> Ibid. c. 5. **N**emo audeat plura beneficia<sup>a</sup> incompatibilia tenere. Quod si dispensationem obtinuisset aliquis dicat, eam ostendere<sup>b</sup> intra duorū mensium spatium post huius Concilij publicationem compellatur.

Iuxta decreti Concilij Tridentini tenorem, vnū tantum beneficium ecclesiasticum conferatur singulis.



gulis. Quod quidem si ad vitam eius, cui confer-  
tur, honeste sustentandam non sufficiat, liceat  
nihilominus aliud simplex sufficiens, dummodo  
vtrumque personalem residentiam non requirat,  
eidem conferre.

Decreuit sacrum Tridentinum Concilium, vt  
Ordinarij locorum quoscumque plura curata, aut  
alia incompatibilia obtinētes, dispensationes suas  
exhibere compellerent, atque per idoneorum Vi-  
cariorum deputationes & congruæ portionis assi-  
gnationem prouiderent, ne animarum cura negli-  
geretur, neve beneficia ipsa debito defraudaren-  
tur obsequio. Hoc tam salutare decretum Ordi-  
narij diligenter exequantur, neque committant  
suas hac in re partes villo modo desiderari.

DE CONFIDENTIA.

**D**Eploranda sane omnibus esset miserabilis  
horum temporum atque locorum conditio,  
quibus, timore Dei, ac sacrarum constitutionum  
placitis posthabitis, eo cæcitatē deuenerint homi-  
nes, vt dummodo marsupium repleant, animas  
perdere nequaquam curent, ac propterea here-  
ditate possidere sanctuarium Dei, & beneficiorum  
Ecclesiasticorum pactiones, licitationesq. publice  
exercere non erubescant; & qui coniugati ac om-  
nino laici sunt, propositis execrabilibus illis ac

H per-

perditissimis hominibus, quos Custodinos appellant, beneficiorum tam sæculariū, quam regulariū, etiam parochialium, fructus sibi vsurpent, in graue Ecclesiæ Dei scandalum, diuini cultus diminutionem, & animarum perniciem. Quamobrem nos tãto malo, quoad eius fieri potest, obuiare cupientes, sanctiones Pij Quarti<sup>a</sup>, & Quinti<sup>b</sup>, super confidentia simoniaca emanatas, in memoriam & vsum reuocantes, omnes qui ad hanc diem beneficia præfata confidentialiter obtinent, quique illorum fructus quouis modo illicite percipiunt, censuras dictorum Pontificum incurrisse declaramus: titulos beneficiorum prædictorum, & aliorum quorumcumque nullos & irritos, ipsosque ad alia etiam obtinenda inhabiles esse significamus: fructus non fecisse suos, ad illorumque restitutionē in vtroque foro sub interminatione anathematis teneri, notum facimus, tenores dictarū constitutionum pro expressis haberi volentes, atque contra huiusmodi delinquentes via iuris inquiri & procedi a Iudicibus Ecclesiasticis omni meliori modo mādantes. Prædictasque bullas, ne quis ignorantiam obtendere possit, a Parochiis nostræ provincie singulis diebus Dominicis infra Missarum solemnia publicari & promulgari omnino præcipimus.

<sup>a</sup> In bulla  
109. incip.  
Romanū.

<sup>b</sup> In bulla  
87. Intolerabilis.

DE RESIDENTIA.

**D**ecretum Concilij<sup>a</sup> Tridentini, quo cūcti Pa-<sup>a Sess. 6.c. 1. & Sess. 23.c.1.</sup>stores animarum in propria Ecclesia residere iubentur, rite atque exacte custodiri volumus: id quod tam de Episcopis, quam de ceteris<sup>b</sup> benefi-<sup>b Ibid. §. ca. dem omnino.</sup>cia obtinentibus, quibus cura imminet animarum, intelligatur. Quibus vero animarum cura deman- data est, præcipimus, ne tridui spatio longius ab- sint a parœcia: quos etiam ab Ordinario facul- tatem obtinere volumus, causa absentiae expo- sita, subrogato interim altero, qui vices ipso- rum gerat.

DE IVRE PATRONATVS.

**S**æua habendi cupiditas, quæ tam multos no- stris temporibus transuersos agit, in causa est, ut ij aliena, quacumque demum ratione possunt, furripiant, & quod maxime detestandum est, di- uino cultui iam pridem dicata bona vsurpent. Id quod non modo per vim fieri contingit, sed etiam per fraudem, dum sibi ius nominandi atque præ- sentandi competere mentiuntur. Cui malo vt oc- curratur, decretū Trid. Conc. c. 9. Sess. 25. summa vigilantia & diligentia studeant Ordinarij ob- seruare, non aliter præsentationes admittendo,

quam si titulus iuris patronatus sit ex fundatione, vel dotatione; qui ex authentico documento, & alijs iuris requisitis ostendatur, siue etiam ex multiplicatis præsentationibus per antiquissimum temporis cursum, qui hominum memoriam excedat, aliasve secundum iuris dispositionem. In ijs vero personis, seu Communitatibus, vel Vniuersitatibus, in quibus id ius plerunque ex usurpatione potius quæsitum præsumi solet, plenior & exactior probatio ad docendum verum titulum requiratur: nec immemorabilis temporis probatio aliter eis suffragetur, quam si præter reliqua ad eam necessaria, præsentationes, etiam continuatæ, non minori saltem, quam quinquaginta annorum spatio, quæ omnes effectum sortitæ sint, authenticis scripturis probentur.

## D E D E C I M I S.

a Sess. 25.  
cap. 12.

**D**ecretum Concilij\* Tridentini contra eos, qui decimas subtrahunt, vel aliàs illarum solutionem impediunt, diligentissime obseruetur. Et quicumque varijs artibus decimas ecclesijs obuenientes subtrahunt, aut qui ab alijs soluendas temere occupant, & in rem suam conuertunt, excōmunicentur; nec ab hoc crimine, nisi plena restitutione secuta, absoluantur.

Quoniam vero, crescente in dies auaritiæ morbo

CONCIL. AVENION. 60

bö, plerique abusus circa decimarum solutionem irrepsertunt: idcirco Episcopi fraudes, quibus laici in hac prouincia clericis imponere nituntur, caute prudenterq. dignoscant, detectasq. reprobandas & omnino tollendas curabunt.

DE OFFICIO PAROCHI.

**P**arochus, qui in Dominici gregis custodia secundum post Episcopum vigilantiae locum tenere debet, non temere, non precipitanter constituendus est, sed ijs seruatis quæ supra de collatione beneficiorum decreta sunt, quo ipsius tum probitas, tum doctrina inquiratur.

Præfectus iam animarum curæ, iuxta sacrorum Canonum<sup>a</sup> instituta, in id totus incumbat, vt nihil in se eius sollicitudinis ac laboris desiderari permittat, quem hominum gubernatio postulare videtur.

<sup>a</sup>De ætat. & qual. c. indecorum & c. cū sit ars.

Ante omnia autem curet Parochus, vt vitæ sit irreprehensibilis, neve vllam suis subditis offensionem præbeat.

Catechismum Romanum sedulo præ manibus habeat, cuius opem tum sacramentorum rite administrandorum rationem perspectam habeat, tum ad conciones habendas sana doctrina imbuti possit, quam populo sibi credito postea propinet.

Omnes

Omnes vero instructiones ex nostri Concilij præscripto conficiendas tum sciant optime, tum etiam diligenter obseruent Parochi.

Illud vero munus, quod præcipuum, & curandis animabus plane necessarium esse constat, ut cunctorum subditorum exacta ac diligens descriptio fiat a Parochis, quamprimum obiri volumus. Hic enim, quem vocant, status animarum usque adeo cognitu necessarius est, ut eo prætermisso, nec Parochus, nec Episcopus munere suo rite fungi possint. scriptum est enim: Diligenter agnosce vultum pecoris tui. Quapropter curabunt Parochi, ut omnium familiarum ac personarum numerum & qualitatem libro ad hoc peculiari deputato quam diligentissime describant.

Quilibet Parochus quatuor libros conficiat, Baptizatorum scilicet, Confirmatorum, Matrimoniorum, & Mortuorum: in quorum primo baptizati describantur iuxta formulam per nos tradendam.

Parochus, dum pronum facit, dies festos fideliter annuntiet, populūq. de ijs quæ ad ipsius salutem pertinent, ea qua decet grauitate ac pietate commoneat: futes & quæ risum sæpe mouent narrationes deuiter: ita iura sua tueatur, ut nullam cupiditatis, aut auaritiæ suspicionem in auditoribus pariat.

Obseruet Parochus, ne in administrandis sacra-

eramentis ullam negligentiam committat, errorumve ex inscitia proficiscentem. Aegrotos maxime cordi habeat. Inopes vero ita curet, ut non modo eorum calamitatem consolatorijs verbis & pastoralibus obsequijs leniat, verum etiam subsidio & elemosyna, vel de suo, vel sua opera conquisita subleuet.

Abusus, prauas consuetudines, superstitiones, morum ac fidei (quod absit) suborientes nouitates vigilantia sua tollere curet. De quibus omnibus, ut praesentius malo remedium afferatur, quam celerrime ad Episcopum referat: alioquin negligentiae se poenas grauissimas daturum intelligat.

Quoniam vero nonnullis Capitulis in vniuersum, non certae personae animarum cura annexa est: idcirco ab illis virum idoneum Ordinarijs praesentari decernimus. Quod si in hoc segniter se Capitula gesserint, Episcopi fructuum portionem etiam pinguem alicui a se probato assignent.

Episcopi tamquam Apostolicae Sedis delegati, sine tamen obtinentium prauiudicio, ex Concilij Tridentini facultate vniones faciant quarumcumque ecclesiarum parochialium, & aliorum beneficiorum.

• Sess. 22.  
cap. 5.

Ad statum ecclesiarum ex dignitate conseruandum, sacrum Concilium Tridentinum magna cum ratione statuit, ut Episcopi etiam tamquam Sedis Apostolicae delegati possent iuxta formam iuris sine



sine obtinentium præiudicio facere vniones perpetuas quarumcumque ecclesiarū parochialium & baptismalium, & aliorum beneficiorum curatorum, vel non curatorum cum curatis propter earum paupertatem, & in alijs casibus a iure permissis. Itaque Episcopi, vbi opportunum fuerit, ea facultate diligenter vtantur.

Vbi vero ob locorum distantiam parochiani sine magno incommodo ad percipienda sacramenta & diuina officia audienda accedere non possunt, nouæ parochiæ constituantur, iuxta Alexandri Tertij<sup>a</sup> sanctionem, & Tridentini Concilij decretum.

a c. ad audientiam.  
de ecclesi.  
ædific.

Studiose vero Parochus sit sollicitus de pauperibus suæ parochiæ, præsertim puellis nubilibus, viduis, orphanis, pupillis, ægrotis, senio confectis, alijsque personis vtraque misericordia indigentibus, quibus & ipse opituletur, & alios hortatu suo ad id officium inuitet. Præcipue de ijs Episcopum certiore faciat, vt qui cōmunis eorum pater est, ijsdem paternam curam præstet.

### DE FESTORVM DIERVM Cultu.

**D**ies festi, qui ad celebrandas Dei laudes, Sanctorumq. memoriam pie colendam salubriter instituti sunt, curandum est diligenter, vt sancte



Ac ab omnibus obseruentur, & ne ijs ipsis homines ad maiora perpetranda scelera abutantur.

Prohibemus igitur, ne diebus Dominicis, atque alijs festis, qui vel Ecclesiæ præcepto, vel loci consuetudine colendi sunt, aliquid seruilis fiat, nihil emi, vendive possit, nisi quod ægrotis, aut illius diei victui necessarium sit. Cibi vero ita veneant, ut ipsorum occasione officinæ nullo modo apertæ sint, præter illarum ostium.

Res porro necessaria, nec ante ecclesiæ fores, nec in cœmeterijs vendantur. Mercatus<sup>a</sup>, emporia, nundinæ ne uspiam fiant; sed quæ festo die fieri consueverint, in antecedentem, vel sequentem diem, qui festus non sit, transferantur, ubi fieri potest.

<sup>a</sup> De fer. & omnes.

Nemo diebus festis quocūque ludo ludat, dum celebrantur diuina officia; quo etiam tempore nemo cauponas adeat: comessationes, ebrietates, choreæ, & spectacula, omnisq. alia dierum festorum profanatio cessabunt.

Doceant Parochi, ceteriq. verbi Dei præcones, diebus festis Dei cultui dedicatis, diuinis officijs, concionibusq. audiendis, ceterisq. id genus pijs operibus vacandum esse, nec Missam a quocumque haud legitime impedito sine graui<sup>b</sup> flagi-

<sup>b</sup> De consecr. d. i. c. Missas.

tio prætermitti posse.

<sup>c</sup> De fer. c. licet.

21

I fieri

fieri diebus festis oporteat, consulatur Episcopus, vel eius Vicarius: qui, re diligenter inspecta, quod congruum fuerit, decernant.

DE *QUADRAGESIMA*, ET  
*Sacrorum ieiuniorum observantia.*

**D**Eo quidem semper serviendum est, nec vltimum tempus est futurum, in quo Creatori nostro seruitutis debitæ cultum non exhibeamus. Verum Quadragesimæ<sup>a</sup> diebus cuncti Fideles studiosius rebus diuinis vacare debent, cum & Dei sermo crebrior habetur, & ieiunium ac ciborum salutaris abstinencia indicitur. Quare vt commodius quisque atque religiosius sanctos Quadragesimæ dies exigere possit, hæc de illa sancienda censuimus.

<sup>a</sup> De consecr. d. s. c. Quadragesimæ.

Edictum aliquot ante diebus ab Episcopis promulgetur, quo vetitorum ciborum norma præscribitur.

Medicos omnes Episcopi aliquot ante diebus accersant, eosq. diligenter moneant, ne propriæ salutis immemores nimia<sup>b</sup> facilitate cuiuspiam male affectam valetudinem affirmant, ijs indulgentes, qui fingunt laborem in præcepto. Cetera minutiora ad ciborum venditores pertinentia late in edicto explicentur.

<sup>b</sup> Ibid. c. contraria.

Parochi & concionatores in Dominica Quinquagesimæ

quagesimæ & feria quarta Cinerum populo demonstrant, neminem absque legitima causa ieiunium violare posse absque letali crimine: simulque ieiunij modo ac conditionibus enucleatis, plebsque ab errore liberent, qui putant illud non violari, si hora definita præueniatur, aut etiam si bis more consueto comedatur, aut ciborum delectus negligatur.

Omnes ac singulos hortamur, vt, quoad fieri potest, audiendo verbo Dei frequentes astent.

Canonicos vero interesse<sup>a</sup> concioni omnino volumus, quæ in ipsorum ecclesia habetur, nisi legitime impediatur.

<sup>a</sup> De consecr. ca. sacerdot.

## DE ORATIONE

*Quadraginta horarum.*

**Q**uadraginta horarum oratio religiose instituta, vt cum salutarum animarum fructu retineatur, hæc etiam constituimus, atque decernimus.

Fiat in conspectu sanctissimi Sacramenti, quod e tabernaculo expositum in maiori, aliove altari, si ita expedierit, palam collocetur. Id vt cum dignitate agatur, altaris vel capellæ, vbi exponetur, ornatus sit valde decens, ac religiosus.

Cæcorum numerus in altari accensorum eiusmodi sit, qui & multitudine & recta dispositione

cum Christi præsentiam exornet, tum intuentium oculos ad pietatem alliciat. Sex ad minimum cærei, & lampades duodecim, ac binæ faces grandiores, durante precatione, ardeant.

Dum Christi corpus in altari propositum est, clerici duo superpellicio induti, capite aperto, ad altare semper assistant.

Qua hora frequens est ad orationem concursus, sermo, isq. brevis, & ad piæ meditationis studium inflammandum apposite accommodatus habeatur.

Vbi fieri potest, cum hæc oratio celebratur, feminæ a maribus separatæ tabulato, aut tela saltem interiecta, precationi vacent, & alias tumultuantes sedare procurent.

Nocte appetente nulli mulieri liberum sit in ecclesia manere.

Absque Episcopi licentia non fiat Quadraginta horarum precatio.

### *DE PROCESSIONIBVS.*

**P**rocessiones, publicas præsertim, rite ac diligenter, vt cetera omnia ad Dei cultum instituta, fieri necesse est. Ne itaque illarum solemnitas minuat, omnes clericos\* tam sæculares, quam regulares Fratres & Monachos cuiusvis ordinis ad easdem publicas vocatos accedere compellant.

Epi-

\* Concil.  
Trid. Sess.  
25. c. 13.

Episcopis, ijs tantum exceptis, qui in strictiori clausura perpetuo degunt.

Clericis quibuscumque, pœna excommunicationis proposita, interdicimus, ne processiones quascumque publicas ipsi in ciuitatibus aut oppidis obeant, absque facultate in scriptis ab Episcopo impetrata.

Constituât Episcopus certos homines, qui Clerum ad supplicationes procedentem dirigât, eûq. aliquando, cum opus est, subsistere moneant, tum etiam qui populum promiscuum, vel Sodalitates ordine incedentes moneant, corrigantque.

Controuersias omnes de præcedentia tum inter Ecclesiasticas personas tam sæculares quam regulares, tum inter Confraternitates plerunque orientes, vel cum publicæ supplicationes decernuntur, vel cum alicuius defuncti corpus humanandum est; Episcopus<sup>a</sup>, amota omni appellatione, *«Ibidem.»* componat.

Sicuti religionis insigne quoddam specimen edunt, qui dum corporis Christi processio fit, vias & parietes, quibus possunt, ornamentis vestiunt: ita reprehensione sunt digni, qui picturis parum decoris & alijs scædis spectaculis tum diem festum violant, tum intuentium oculos offendunt. Nihil itaque eiusmodi in posterum videatur.

## DE FVNERIBVS ET

*Exequijs.*

**C**hristianorum funus curare pijs precibus adhibitis, ac solempni quodam ritu defunctorū corpora efferre, tum prisca Ecclesiæ consuetudo superstites admonet, tum futuræ resurrectionis spes certissima præcipit. Exequiarum itaque honor Fidelibus pie ac religiose impendatur.

Ante Solis ortum, & post Solis occasum mortuum & efferri, & ad sepulturam recipi prohibemus.

Miserabiles personæ, quibus mortuis aut nihil superest, aut ita parum, vt sua impensa humari non possint, a Parocho sumptibus ecclesiæ sepeliantur.

Cum mortuus efferendus erit, cuiusvis ecclesiæ Clerus, qui vocabitur, Confraternitas etiam in vnam ecclesiam conueniant: vnde omnes procedentes, binique Psalmos canentes, mortuum ab eius ædibus comitentur.

Candelæ ac cærei & intorticia, quæ circum cadaver accenduntur, heredum impensa, ita Deo oblata esse intelligantur, vt ei ecclesiæ in qua corpus humandum erit, mox addicta sint. Loci tamen pia ac laudabilis cōsuetudo vbique seruetur.

Ordinarij, vbi sese obtulerit occasio, ne præ-

ter-

## CONCIL. AVENION. 71

termittant exequi decretum Tridentini Concilij, quò càuetur, vt quibuscumque in locis iam ante annos quadraginta, quarta quæ funeralium dicitur, cathedrali, aut parochiali ecclesiæ solita esset persolui, ac postea fuerit ex quocumque priuilegio alijs monasterijs, hospitalibus, aut quibuscumque locis pijs concessa, eadem posthac integro iure, & eadem portione quæ antea solebat, cathedrali, seu parochiali ecclesiæ persoluatur; non obstantibus concessionibus, gratijs, priuilegijs etiam mari magno nuncupatis, aut alijs quibuscumque.

Contingit interdum, vt dum mortuus aliquis efferendus est, Pœnitentium seu Confratrum cœtus ad comitandum funus vocentur, qui dum plus nimio moram trahunt, in causa sunt, vt collegiata ecclesiæ eos expectare cogantur. Nos itaque omnes Scholas, Confraternitates, & Pœnitentium societates, vel iuxta præscriptam rationem Clerû præuenire volumus; vel, si statuto tempore non venerint, vt possit a Clero corpus ad sepulturam esse ferri, eis non expectatis, decernimus.

## DE INDVLGENTIIS.

**I**N publicandis indulgentijs omnis turpis quæstus suspicio tollatur: quod vt commodius fieri possit, & cautiones seruentur, quas præscribit Concilium<sup>a</sup> Tridentinum.

<sup>a</sup> Sess. 25. c.  
cum potest  
has.

Paro-

## 72 CONST. PROVIN.

Párochus, concionatorve indulgentiarum valorem interdum explicet, simulq. ostendat quo in pretio a cunctis Fidelibus haberi debeant.

Singulæ ecclesiæ, quibus vel concessæ sunt, vel concedentur indulgentiæ, codicem habeant, in quo per ordinem illæ memorentur, ac summorum Pontificum nomina, qui ipsas concesserunt, mensis item, & annus. Tabella etiam in singulis sit ecclesijs, in qua idem prorsus exhibeatur. Pari diligentia altarium priuilegiatorum memoria teneatur.

## DE SEMINARIO.

**S**eminariorum fundatio saluberrime instituta, ab Episcopo diligentissime curari debet, tum ob multa alia, tum ob id præcipue, quod ex illis fructus maximus sperandus sit, si qui ad exactæ disciplinæ normam educati fuerunt, regendis animabus postea præficiantur.

Qui in Seminario recipientur, non sint minores duodecim annis: ex legitimo matrimonio procreati, & idonei ad litteras addiscendas reperiantur: sint vere pauperes, & ex patre & matre paupere, & ex diœcesi assumantur.

Diuitum filij admitti poterunt, dummodo proprijs sumptibus alantur, ac eundem habitum gestent.

Qui-



CONCIL. AVENION. 73

Quicumque recipiendi sunt, polliceantur se numquam clericalem ordinem deserturos.

Admissi iam habitu honesto & vniiformi coloris violacei vtantur, nec plures recipiantur, quā Seminarij facultates ferant. Probatioq. eorum fiat in loco separato, præmissa generali peccatorum confessione.

Qui confirmati non sunt, confirmentur, & prima tonsura insigniantur. Musicam & Doctrinam Christianam addiscant, ritusq. & cærimonias, inseruiendo ecclesijs, præsertim cathedrali diebus festiuis, ceterisq. prout Episcopo videbitur.

Quotidie Missæ sacrificio intersint, & singulis mensibus Domini corpus sumant. Singulos porro sese in virtutibus cunctis exercere par est, in obediētia præsertim, quæ adolescentes maxime decet.

Conc. Trid. Sess. 23. c. 18. cū elucid. Illustrissimæ Congreg.

Numquam soli domo egrediantur, nec nisi de Rectoris licentia. Vt autem Latinam linguam facilius addiscant, semper inter se Latine loquantur.

Si aliqui minus idonei reperti fuerint vel quo ad litteras, vel quo ad mores, vel denique quo ad valerudinem, dimittantur, facta examinatione a deputato ab Episcopo.

Administratores rationem reddant coram deputatis iuxta decretum Concilij Tridentini singulis annis.

Beneficia aliquot simplicia iuxta formam a Concilio præscriptam vniantur Seminario; de

Ibidem.

K

qua

qua vnione appareat apud Cancellarium Curia  
Episcopalis.

### DE SANCTIMONIALIBVS.

**S**anctimoniales Christo desponsatae peculiari  
quodam modo Episcoporum fidei creditae,  
eorumq. perugili curae commissae sunt: idcirco  
curēt Episcopi omnia monasteria suae iurisdic-  
tionis ad pristinam obseruantiae regularis formam  
reducere, iuxta religionis, seu societatis leges, quas  
iam professae sunt.

<sup>a</sup> Sess. 25.  
cap. 5. de  
regul.

Clausuram vero ex Concilij Tridentini<sup>a</sup> & sum-  
morum Pontificum iussu, ac modo praescripto,  
non solum in suis monasterijs, verum etiam in  
exemptis omnibus restitui seruariq. diligentissi-  
me curent.

Quapropter nullus sine Superioris licentia au-  
deat ad monasteria monialium quocumque co-  
lore vel praetextu accedere, poena excommunica-  
tionis proposita.

<sup>b</sup> In bulla  
8. Circa pa-  
storal.

Nullus autem ausu nefario monialium septa in-  
gredi possit, poena proposita a Pio Quinto<sup>b</sup>, alijsq.  
Ordinatorū arbitrio infligendis. Quod si quem-  
piam ingredi ob vsus tam monasterio, quam mo-  
nialibus omnino necessarios opus fuerit, ea de re  
ad Episcopum referatur, qui eius mores & vi-  
tam exploret, & potestatem ingrediendi faciat

in

in schedula propria manu subscripta.

Nulla tam ex monialibus, quam ex ancillis, puel-  
lisve educationis gratia in monasterio degentibus  
clausuræ terminos transgrediatur, poena proposi-  
ta in dicta bulla.

Si qua monialis autem diabolica instigatione  
correpta, extra monasterium manere, vagariq.  
inueniatur, ad illud rursus redire compellatur.

Quoniam vero libertati professionis virginum  
Deo dicendarum prospiciendum est: idcirco quæ-  
cumque Concilium Tridentinum<sup>a</sup> decreuit circa <sup>a Sess. 25.  
cap. 17. 18  
de regul.</sup>  
explorandam virginum voluntatem, & contra  
eos qui per vim ad suscipiendum habitum puellas  
compellunt, omnino volumus obseruari.

In electione Abbatissarum<sup>b</sup> & Priorissarum ea <sup>b Ibidem.  
cap. 7.</sup>  
etiam seruentur, quæ idem Concilium decreuit:  
illud admonētes, Abbatissam<sup>c</sup> triennalem fieri de-  
bere, cum primum abbatia vacabit vel per mor-  
tem, vel per resignationem, vel per poenam iure  
inflictam. <sup>c Iuxta bul-  
lam 84.  
Greg. 13.  
Exposcit.</sup>

Moniales tria vota emissa inuiolabiliter obser-  
uent: Episcopi vero in id incumbant, vt omnis  
proprietas tollatur ea ratione, quæ sibi accommo-  
dior videbitur, cum monasteria visitabit.

Renuntiationes ante professionem factæ a mo-  
nialibus irritæ habeantur, nisi facultas ab Episco-  
po ante duos menses obtineatur, quam mox pro-  
fessio sequatur, vt in Concil. Triden.<sup>d</sup> cautum est. <sup>d Vbi sup.  
cap. 16.</sup>

## 76 CONST. PROVIN.

Conficiatur formula, quam seruent sanctimonialiales omnes.

Antequam professio emittatur a virginibus, diligenter de eleemosyna agatur in numerata pecunia, quæ super fundo statuatur, cuius fors principalis non possit aut debitis soluendis, aut quotidianis vsibus infumi.

Curent Episcopi, expensis antea monasteriorum monialium sibi subditarum facultatibus, vel ex consuetis eleemosynis certum monialium numerum constitui, qui nullo modo possit<sup>a</sup> augeri, nisi facultatibus vel ex consuetis eleemosynis auctis, Quod si monasteria Regularibus subiecta fuerint, idem Episcopus præstare in illis quoque debeat, adhibitis tamen Superioribus Regularibus, quemadmodum cauetur constitutione sanctæ memoriæ Gregorij XIII. hac de re edita.

<sup>a</sup> De institut. c. non amplius.

## DE HOSPITALIBVS.

**I**Nter cetera pastoralis sollicitudinis onera, hospitalium<sup>b</sup>, omniumq. piorum locorum cura locum habet. Quare ea diligenter visitet Episcopus.

<sup>b</sup> De relig. dom. ca. de xenodoch.

Administratores hospitalium ac piorum locorum quorumcumque, iuxta Concilij<sup>b</sup> Tridentini decreta, rationes reddant Ordinarijs singulis annis, nisi secus forte in institutione & ordinatione talis

<sup>c</sup> Sess. 7. ca. 25.

## CONCIL. AVENION. 77

talis ecclesiæ, seu fabricæ expresse cautum esset. Quod si ex consuetudine, aut privilegio, aut ex constitutione aliqua loci alijs ad id deputatis ratio reddenda esset, tunc cum ijs adhibeatur etiã Ordinarius, & aliter factæ liberationes dictis administratoribus minime suffragentur. Quod si in casibus, in quibus reddere rationes Ordinario tenentur, ab eo commoniti non paruerint, per censuras Ecclesiasticas compellantur.

Nullus administrator hospitalium, ceterorumq. locorum religiosorum electus antea administret, quam in manibus Episcopi vel Vicarij iuramentũ præstiterit se fideliter diligenterq. munus suum executurum, studiosq. prospecturum, ne bona ac redditus in alios quam in destinatos vsus conuertantur.

## DE CONFRATERNITATIBVS.

**E** piscopi semel in anno Confraternitates <sup>a</sup> visitent, earumq. statuta diligenter videant, examinentque. a Concil. Trid. Sess. 22. c. 8.

Confratres inhabiles & excommunicatos a muneribus excludant.

Ornamenta & utensilia sacra Confraternitatũ in loco tuto conseruentur, a sacerdote in vsus necessarios exponenda, vbi opus fuerit.

Prohibemus sanctissimum Christi corpus in  
Con-

Confraternitatibus conseruari, nisi aliter videatur Episcopo. Ita vero Missæ ceteraq. officia diuina in Confraternitatibus celebrentur, vt ecclesiarum sacrificia, preces horariæ, concionesq. non impediuntur. Qui officium dirigit, & absolutiones facit, si fieri potest, sacris iniunctus sit.

In processionibus ordine debito ac deuotâ quadam grauitate confratres incedant, nihil tumultuarie, nihil litigiose agentes.

Controuersia vero de præcedentia sic dirimantur, vt antiquiores Cōfraternitates semper recentioribus præferantur, & quæ prius confirmatæ fuerunt, ijs quæ posterius.

Immensi quidam sumptus, quos Cōfraternitatum officiales plerunque faciunt in rebus parum necessarijs, omnino deuitandi sunt.

Intolerabilius illud est, quod ex eleemosynis ad pios vsus destinatis conuiuia & comestationes instruuntur. Hos itaque ac similes abusus detestantes prohibemus.

Præficiatur vir aliquis pietate ac prudentia præditus, qui Confraternitates inuisat, vt si quid vitiosum in eis repullulare viderit, obseruet, omninoq. tolli procuret.

Rectores reddant rationem de oneribus & beneficijs, si quæ habent vnita, ceterisq. prouentibus, & an muneri suo satisfaciant.

DE REGVLARIBVS.

**M**onaſteria, quæ animarum curam habent annexam, quoties erit eligenda perſona ad eam exercendam idonea, Ordinariorum iudicium & examen omnino ſequantur. Is vero cui fuerit cura commiſſa, illorum iuriſdictioni ſubijciatur quo ad viſitationem & correctionem ex Concilij Tridentini<sup>a</sup> præſcripto.

<sup>a</sup> Sefſ. 25. c.  
11. de regul.

Meminerint Regulares, ſibi non licere clericis aut laicis ſacramentum Vnctionis extremæ, vel Eucharistiæ miniſtrare, matrimonia abſque licentia Parochi ſolemnizare, aut quemcumque abſolvere excommunicatum a canone, præterquam in caſibus a iure expreſſis, aut vigore priuilegiorum a Sede Apoſtolica conceſſorum, vel a ſententia per decreta Cõcilij Prouincialis, aut Diœceſana promulgata. Quod ſi in aliquo ex ſupradictis contrafecerint, ipſo facto ſententiam excommunicationis incurrant, quæ Sedi Apoſtolicæ eſt reſeruata, quemadmodum prouidentiffime ſtatuit Clemens V. in Concilio Vienneniſi.

Cum nulli ex Regularibus, etiam prætextu ad Superiores ſups accedendi, a ſuo Conuentu recedere liceat: ſacroſancti Concilij Tridentini<sup>b</sup> decreto in hærentes mandamus, vt qui ſine prædicto mandato in ſcriptis contento repertus fuerit, ab

<sup>b</sup> Vbi ſup.  
§. nec liceat.

Ordi-



Ordinarijs locorum tāquam sui instituti desertor puniatur.

Facit rei pondus & momentum, vt quod alibi diximus, hic etiam commemoremus. Sane cū interdum ex Regularibus aliqui ad concionandum mittantur, qui & vita & doctrina tanto muneri impares existunt: id ne contingat, prouide statuit Tridentinum Cōcilium, vt Regulares cuiuscūque ordinis, nisi a suis Superioribus de vita, moribus, & scientia examinati & approbati fuerint, ac de eorum licentia, etiam in ecclesijs suorum ordinum prædicare non possint: cum qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant. In ecclesijs vero, quæ suorum ordinum non sunt, vltra licentiam suorum Superiorum, etiam Episcopi licentiam habere teneantur, sine qua in ipsis ecclesijs non suorum ordinū nullo modo prædicare possint. Hoc itaque vtile ac proficuum decretum qua par est diligentia erit obseruandum.

\* Est 22. in  
cip. Regu-  
larium.

Bullam Pij V. \* aduersus mulieres quæ monasteriorum virorum claustra ingrediuntur, & Regulares, qui eas ingredi permittunt, editam transgredientes cunctos excommunicatos decernimus.

Apostatæ iuxta summorum Pontificum constitutiones seuerè puniantur.

DE FORO EPISCOPALI.

**I**udex non excedat iurisdictionem suæ diocesis, cuius certi ac determinati limites erunt, ne ad lites & controuersias aditus aperiatur.

In id præcipue Iudex Ecclesiasticus incumbat, vt miserabilium personarum querimonias patienter audiat: quarum etiam necessitatibus prompte & alacriter prouideat, vbi id ratio ac iustitiæ lex postulabit.

Excommunicationum litteræ in infrascriptis casibus non concedantur.

Pro re criminosa, quæve infamiæ notam inurat.

Pro re occulta omnino.

Nec pro rebus deperditis passim ac parui momenti.

Concil.  
Trid. Sess.  
25. c. 3.

Pro re quæ summam viginti aureorum non excedat, nisi aliter Episcopo videatur.

Deputentur a Synodo viri graues & pij Iuris vtriusque periti, qui de stylo mutando, ac in cōpendium redigendo in tractandis ac finiendis causis mature consultent. Omnis enim litium pro-

De reser.  
in 6 c. dis-  
pendia. &  
elem. de  
iud. ca. dis-  
pend.

crastinatio studio ac diligentia Episcoporum tollenda est.

Decreta Iudicis, ipso præsentē, a Notarijs extēdantur. Episcopi vero caueant, nullum mittendum esse in possessionem, nisi litteris expeditis.

DE LOCATIONE BONORUM  
Ecclesiasticorum.

**P** Rincipio curet Episcopus inventarium generale confici omnium bonorum Ecclesiasticorum, iurium, beneficiorum cuiusvis generis suæ dioceseos, compellatq. omnes ac singulos quævis Ecclesiastica beneficia obtinentes ad prædictum inventarium exacte ac fideliter conficiendum sub poenis arbitrio Episcopi imponendis. Pari diligentia archiviū instructum habeat, in quo omnes scripturæ conferuentur.

a Scil. 12.  
c.6.

Episcopus iubeat decretum Concilij Tridantini contra usurpatores rerum Ecclesiasticarum bis per annum in ecclesijs publicari, scilicet, primis diebus Dominicis Aduētus, & Quadragesimæ.

Vt fraudibus occurratur, & usurpationibus bonorum Ecclesiasticorum, ijs præsertim quæ fiunt in hac provincia; locationes rerum Ecclesiasticarum hætenus cōfectæ absque publico instrumento, per Notariū Curiae Episcopalis intra duos menses in instrumentum referantur authenticū. Deinceps vero per publicum instrumentum conficiantur: quod per Notariū Curiae prædictæ, aut alium in acta publica intra duos menses a die contractus omnino referatur.

Recognoscantur ab ijs, ad quos spectat, fundi  
Eccle-

Ecclesiastici cum eorum limitibus, & si quæ in eis factæ fuerint meliorationes, vel deteriorationes.

Curet Episcopus, ne arbores fundorum Ecclesiasticorum cædantur a conductoribus.

Vt ecclesiarum utilitatibus consulatur, & sacrosancti Concilij Tridentini decreta executioni mandentur, Episcopi aliquos deputent, qui emphyteuses, locationesq. rerum Ecclesiasticarum ad longum tempus a triginta annis citra ante confirmationem Concilij Tridentini factas recognoscant: & si eas cum ecclesiarum detrimento & contra canonicas sanctiones factas fuisse inuenerint, irritas & nullas esse declarent.

**DE TESTAMENTO ET**  
*Legatis pñs.*

**N**emo testatorum mentes, qui propenso studio ad relinquenda ecclesijs legata feruntur, metu, precibus, consiliove u. pietatis amore deducat. Qui secus fecerit, se tanti criminis rationem coram Deo redditurum intelligat.

Notarij omnes infra trium mensium spatium testamenta, codicillos, & quæcumque ad pias causas testatorum voluntates disposuerunt, Episcopis manifestare cogantur, poena excommunicationis proposita.

Liber conficiatur in singulis ecclesijs, in quo di-

ligerenter annotentur legata olim facta, nondum tamen soluta, & quæ deinceps tam in ciuitatibus, quam in dioecesibus fient.

Si quis aliquid ecclesiæ leget, conditione appositâ, quæ nonnihil ambiguitatis pariat, aut legati executionem retardet; habeatur de ea cum Episcopis consultatio.

Legatis ad pias causas cum iura plurimum faciant, nec eæ solemnitates<sup>a</sup> necessariae sint, quas cetera postulant; curet Episcopus, quacumque poterit diligentia, illa ecclesijs vindicare.

<sup>a</sup> De testamenti, c. indicante, c. relatum.

## DE MEDICIS.

**I**Ta corporis valetudo curanda est, ut animæ salutatio non negligatur: quapropter Medicis tam Physicis, quam Chirurgicis præcipimus, ut cum primum ad ægros vocati fuerint, eis necessariam peccatorum confessionem faciendam esse persuadeant. Quoniam vero res ista magni est momenti, idcirco quacumque constitutio Pij V. fel. recordationis circa Medicorum munus decreuit & sanciuir, hic commemoranda esse censuimus, ne cuiquam ignorantia suffragetur.

<sup>b</sup> Est 3. incip. supra gregem.

Medici itaque tertio die ulterius, ægros non visitent, nisi longius tempus ipsis confessor ob aliquam rationabilem causam (super quo eius conscientia oneratur) concesserit, & illis per fidem confessoris in scriptis factam constiterit, quod infirmi,

mi,

## CONCIL. AVENION. 85

mi, vt præmittitur, peccata sua confessi sint.

Quod si qui Medicorum præmissa non obserua-  
uerint, vltra pœnas in cōstitutione<sup>a</sup> Innocentij III. a cap. cum infirmitas, de poenit.  
contentas, quas incurrunt, perpetuo infame<sup>c</sup> erunt,  
& gradu Medicinæ, quo insigniuntur, omnino pri-  
uentur; ac pœna etiam pecuniaria arbitrio Ord-  
nariorum, vbi deliquerint, mulctentur.

Nullus Medicinæ Doctor creari possit, nullive  
quomodolibet medendi facultas a quouis Colle-  
gio & Vniuersitate concedatur, nisi omnia in con-  
stitutione Pij V. & eiusdem summi Pontificis præ-  
scripto contenta, medio iuramento, coram No-  
tario publico & testibus obseruaturū se esse pro-  
mittat. Quod iuramentum in manibus Ordinarij  
præstetur, cuius etiam in priuilegio doctoratus &  
licentia medendi specialis mentio fiat.

Episcopi vero prædictum iuramentum a Medi-  
cis iam promotis omnibus iuris remedijs exigant,  
renitentes pœnis enarratis afficiant.

Ne quis Medicorum pro corporali salute ali-  
quid suadeat, vel permittat, quod in animæ peri-  
culum vergat.

**DE DELICTIS.**

**DE BLASPHEMIA.**

**I**n execrabili autem blasphemiae scelere, quod  
ad hæresim, quæ summa blasphemia est, proxi-  
me

me accedit, radicitus conuellendo, non minorem curam studiumq. ponere debet Episcopus, quippe quo iusta ira Dei contra nos accenditur ac incitatur. Quare Episcopus contra huiusmodi detestabiles homines, qui tale crimen committunt, ex sacrorum Canonum iure, tū præsertim ex sanctione Leonis X. in Concilio Lateranensi edita, & Pij Quinti<sup>a</sup> constitutione, quo adeo nefarium scelus non modo compescatur, sed plane tollatur, seuerrissime animaduertat.

<sup>a</sup> Est s. incip. cū primū.

Indulgentias decem annorum, quas Leo X. in eodem Lateranensi Concilio tam ludicibus, quam deferentibus largitus est, sæpe euulgari faciat.

Sodalitatem Nominis Dei per eos, ad quos ex Pij Quinti constitutione pertinet, vbique locorum suæ dioceseos erigendam cūret, atque indulgentias ab eodem summo Pontifice Sodalitatibus eius rei causa concessas frequenter a Parochis omnibus promulgari iubeat.

### *DE V S V R I S.*

**V**Surarum scelus nefandum e Christiana Republica expellere, & foeneratorum rapacitatē iuxta sacrosanctas Ecclesiæ sanctiones coercere cupientes, statuimus, omnes, qui contractus illicitos vsurarios & a iure<sup>b</sup> improbatos exercent, si tam nefarij criminis reos esse legitime & iuris ordine

<sup>b</sup> Tot. tit. de Vsur.



CONCIL. AVENION. 87

ordine seruato confiterit, pœnis cunctis a iure propositis subijci debere. Notarios, proxenetas, testes, lucrive participes, ac quoscūque ministros quocumque modo, consilio, & opera huiusmodi contractibus fauentes excommunicatione innodantes, & ab officio suspendentes.

Instructio fiat pro concionatoribus & Parochis, in qua innumeræ, quæq. magis in vsu sunt, vsurarum species recenscantur, & sæpius in concionibus promulgentur.

DE DYELLO.

**N**efariam duellorum, seu singularium certaminum prouocationem, qua infelices homines infano tuendæ vel vindicandæ contumeliæ furore correpti extremam sibi tam corporum quam animarum perniciem accersunt, execrantes, sacrosancti Concilij Tridentini decreta & summorum Pontificum Iulij II. Leonis X. Clementis VII. Pij III. Gregorij XIII. & Sanctissimi D. N. Clementis Papæ VIII. pœnas omnes nouissime editas in usum reuocantes, istud hominum genus, qui sese ad duellum quocumque colore vel prætextu iniuant, prouocant, & pertrahunt, etiam verbotenus, quamuis priuatim certamen ineant, nec vllæ prouocatoriæ litteræ, aut denuntiationis chartulæ præcesserint, definitis a iure pœnis omnibus subij-



ci declaramus, ita vt infames perpetuo habendi sint, atque vt homicidæ puniendi. Quod si in conflictu decesserint, perpetuo careant ecclesiastica sepultura.

Illi vero, qui consilio, vel opera quemquam ad duellum suaserint, impulerint, vel iuuerint, aut denique spectatores extiterint, excommunicationis, ac perpetuæ maledictionis vinculo teneantur.

### *DE CONCVBINARIIS.*

*a Concil.  
Trid. Sess.  
24. c. 8.*

**C**oncubenarios tam solutos, quàm copulatos, cuiuscumque status, dignitatis, conditionis existant, si postquam ab Ordinario etiam ex officio ter admoniti ea de re fuerint, concubinas non eiecerint, seq. ab earum consuetudine non seiunxerint, excommunicationis sententia ferire necesse erit: a qua non absoluantur, donec re ipsa admonitioni factæ paruerint.

Quod si in concubinato per annum, censuris neglectis, permanserint, contra eos ab Ordinario serio procedatur.

Mulieres cuiuscumque generis, quæ cum concubinarijs publice viuunt, pœnis ijs afficiantur, quas decernit Synodus Tridentina; ita vt, si admonitæ non resipuerint, extra diocesim ejciantur.

## DE IUDÆIS.

**O**Mnibus prohibemus cibum sumere cum Iudæis, carnes, aut azyma ab illis porrecta manducare, vna ac eadem domo cum iisdem versari, ludere, societatem inire præsertim improbum foenus exercendi causa.

Medicus Iudæus a nemine, quantumvis graui morbo laboret, vocetur. Caueant omnes, ne eorum diebus festis, aut nuptijs intersint. Ne quæ mulier<sup>a</sup> Christiana Iudæis parientibus præsto sit: <sup>a De Iudæis, c. ad huc.</sup> nulla item mulier Iudæorum infantes nutriat, nec contra. Nemo sub poenâ excommunicationis Iudæis inferuiat.

Iudæi in diuersis ciuitatū partibus ne maneat, sed in vna tantum vicinia simul habitent. Domus, prædia, & cuiusvis generis bona Ecclesiastica, tam mobilia, quam immobilia nullo modo Iudæis vendantur, oppignorenturve.

In die Parasceues & Sabbati sancti lateant Iudæi, ipsorum<sup>b</sup> portis ac fenestris clausis toto eo tē<sup>b Ibidem c. quia super.</sup> pore manentibus. Diebus vero festis, dum celebrantur diuina officia, nullus eorum ex vico quem inhabitant egrediatur, exceptis patribus familias, vt victum emere possint.

Quoniam vero nullius salus spernenda est, propterea ex decreto Gregorij XIII. & Sanctissimi

D. N. Clementis Papæ VIII. curent Episcopi, in quorum terris Hebræi fuerint, eis semel per hebdomadam legi: cogantq. eos lectioni interesse, quæ non aliud argumentum tractet, quam quo Christianæ fidei veritas obduratis hominibus ex diuinæ Scripturæ veteris Testamenti & Prophetarum oraculis dilucide demonstretur.

## DE POENIS.

**N**E vero, laxatis disciplinæ habenis, in deterius hominum mores prolabantur; sancitas poenas diligenter Ordinarij a transgressoribus deprecant. Haud enim clementia probanda est, quæ vitij aditum facit, & Ecclesiasticam auctoritatem elidit.

Si quis censuris Ecclesiasticis innodatus absolutionem ab ijs legitime obtinere neglexerit, sciat se irremissibiliter hanc mulctam subiturum, ut singulis Dominicis, frequentiore populo astante, nominatim in ecclesia excommunicatus declaretur & publicetur, donec resipiscat.

Quod si per annum integrum in crimine infortuerit, iuxta Canonum sanctionem in eum tamquam de hæresi suspectum inquiri possit.

DECRETVM DE FORMVLIS,  
*seu Instructiõibus conficiendis &  
 obseruandis.*

**V**T cuncta quæ a nobis in hoc Cõcilio decreta sancitaq. sunt, certa methodo atque ordine peragantur, omnesq. ad quos pertinet, munere suo recte fungantur: Decernimus infrascriptas Formulas, seu Instructiões, quarum sæpe mentio facta est, a deputatis confectas publicari, ac diligenter obseruari, pœna transgressoribus ad Ordinariorum arbitrium proposita. Ponantur vero statim in calce Concilij.

Formula ac methodus in Visitationibus adhibenda.

Formula Ecclesiasticæ supellectilis.

Formula seu Instructio pro Parochis.

Formula seu Instructio pro Concionatoribus.

Formula seu Instructio pro Confessarijs.

Formula Regularum a cunctis monialibus obseruandarum.

12  
**N**os Hieronymus tit. S. Pancratij S. R. E. Presbyter Cardinalis Matthæius fidem facimus, & attestamus, decreta facta in Provinciali Synodo Auenionensi ab Illustrib. & Reuerendib. D. Card. Archiepiscopo Auenionen. a sacra Congregatione Cardinalium Concilio Trid. interpretando prepositorum fuisse emendata omnia, atque aptata, præter Formulas atque Instructiones ab eiusdē Synodi deputatis confectas, necnon eorundem decretorum originale apud ipsam Congregationem remansisse, cum quo huiusmodi decreta hoc libello descripta, & collata, in omnibus & per omnia concordant. In quorum fidem his propria manu subscripsimus, & ab infra scripto Secretario item subscribi, sigilli nostri impressione communiri mandauimus. Roma die xxij. Ianuarij, M. D. XCVII.

Hier. Card. Matthæius.

Loco † sigilli.

Io. Francisc. Fagnanus Secretarius.



# I N D E X TITVLORVM.



<b>D</b> E Episcopis. pag. 4	De sacramēto Pœnitentiæ. 28
De Visitatione Episcoporum. 6	De sacramento Ordinis. 29
De Synodo Diœcesana. 7	De sacramento Matrimonij. 31
De Testibus Synodalibus. 8	De sacramento Extremæ Vnctionis. 32
De Examinatoribus. 9	De Missæ sacrificio. 33
De Fidei professione. 11	De Missarum reductione. 35
De Impressoribus, & Bibliopolis. 13	De Missæ suppellectili. 36
De Fidei rudimentis. 17	De Reliquijs & veneratione Sanctorum. 37
De Prædicatione verbi Dei. pag. 18	De sacris imaginibus. 39
De lectione sacræ Scripturæ. 20	De Ecclesiarum fundatione & structura. 40
De Sacramentis in communi. 21	De modo versandi in ecclesijs. 42
De Baptismo. 22	De Sepulchris. 44
De Oleis sacris. 23	De Cœmeterijs. 44
De Aqua Baptismali. 24	De Sacristia. 45
De sacramento Confirmationis. 24	De vita & honestate Clericorum. 46
De sacramento Eucharistiæ. 25	De Capitulo & Canonicis. pag. 49
De Paschali Communione. pag. 27	De Horis Canonicis. 53
	De Cantu Ecclesiastico. 55

# I N D E X.

<p><i>De Beneficiorum collatione .</i> pag. 55</p> <p><i>De Beneficiorum incompati-</i> <i>bilitate.</i> 56</p> <p><i>De Confidentialia.</i> 57</p> <p><i>De Residentia.</i> 59</p> <p><i>De Iure patronatus.</i> 59</p> <p><i>De Decimis.</i> 60</p> <p><i>De officio Parochi.</i> 61</p> <p><i>De festorum dierũ cultu.</i> 64</p> <p><i>De Quadragesima, &amp; sacro-</i> <i>rum ieiuniorum obseruan-</i> <i>tia.</i> 66</p> <p><i>De Oratione Quadraginta</i> <i>horarum.</i> 67</p> <p><i>De Processionibus.</i> 68</p> <p><i>De funeribus &amp; exequijs.</i> 70</p> <p><i>De Indulgentijs.</i> 71</p> <p><i>De Seminario.</i> 72</p>	<p><i>De Sanctimonialibus.</i> 74</p> <p><i>De Hospitalibus.</i> 76</p> <p><i>De Confraternitatibus.</i> 77</p> <p><i>De Regularibus.</i> 79</p> <p><i>De Foro Episcopali.</i> 81</p> <p><i>De locatione bonorum Eccle-</i> <i>siasticorum.</i> 82</p> <p><i>De Testamento, &amp; legatis</i> <i>pjs.</i> 83</p> <p><i>De Medicis.</i> 84</p> <p><i>De Blasphemia.</i> 85</p> <p><i>De Vfuris.</i> 86</p> <p><i>De Duello.</i> 87</p> <p><i>De Concubinarijs.</i> 88</p> <p><i>De Iudeis.</i> 89</p> <p><i>De Pænis.</i> 90</p> <p><i>De formulis, seu Instructio-</i> <i>nibus conficiendis &amp; ob-</i> <i>servandis.</i> 91</p>
---	---

# F I N I S.





REGESTVM.

A B C D E F G H I K L M.

Omnes sunt Duerniones.



*Superiorum Permissu.*

ROMAE, Apud Aloysium Zannetum.  
M. D. XCVII.

99 90



THE  
OFFICE OF THE  
ATTORNEY GENERAL  
STATE OF NEW YORK  
ALBANY

IN SENATE  
JANUARY 10, 1907  
REPORT  
OF THE  
ATTORNEY GENERAL

40

